

光緒香山縣志

香山縣志卷二十一

藝文

經部

易說

明黃畿撰

阮通志

易經貫解

明楊文俊撰

採訪冊

讀易緒論

明何述鉉撰

申志

周易問

明何述賢撰

阮通志

周易講意

明麥輝撰

讀易曰解六卷

六易析疑十卷

明楊晉撰

採訪冊

周易補注四卷

明何吾騁撰

阮通志

周易輯義四卷

國朝楊思誠撰

周易集說四卷

國朝李孔昭撰

俱同上

易經訂疑

國朝楊十朋撰十朋

易經講義五卷

國朝趙文起撰

易經纂說四卷

國朝楊履泰撰履泰

易蠡十四卷

國朝李遐齡撰 俱同上

周易會通八卷

國朝劉澹撰 採訪冊

自序畧曰周易一書義諦深遠非他經可比授徒之暇聞李安溪先生觀彖一註喜其博而能約簡而易明於是併其所著通論總論及諸儒之說輯而編之務使章明句解意義條貫而又一一以御纂折中述義二書為歸宿俾學者知所趨向焉名曰會通者亦取所謂會眾壑以歸滄海之意云爾非敢謂愚之學果能會而通之也

讀易述訓四卷

國朝蔡顯原撰

自序畧曰乾隆甲午取士猶用專經先君子以習易補弟子員故於易功尤深原垂髫負行笈侍講席者十餘年所聞者嘗劄而記之以備遺忘久之及十年前所劄記者為及門諸校附以古今之事變聖賢豪傑之事蹟此非注經例也要欲子弟輩知是書為寡通之書非談元之書云爾

易宗九卷

國朝黃培芳撰

自序曰經訓必有宗易之爲訓義理而忽象不可宗余孔子之傳而別主後儒之說亦不可宗蓋天地間皆易象聖人盡象其始有象無文字傳曰書不盡言言不盡意立象以盡意聖人說易亦先標象以揭易之所在所易者苟舍象言理則泛而無薄卦爻之取象皆成贅語矣聖人之取象也無所於滯義類可通卽隨舉一隅以明之故文王周公所取之象不必相襲至孔子說卦傳乃爲之觸類引伸廣徵物類實釋象之發凡起例也於是後人得以依類以明象卽說卦傳有未備者亦可推求得之或求之比應乘承或求之互卦以互卦求易左氏以來有之大傳所謂非其中爻不備是也此理象不可偏廢故余說易必以因象明理切於人事者爲得其宗夫三聖之易謂之經孔子十翼謂之傳是孔子之傳所以發明三聖之經其釋三聖之經必當以孔子爲宗可知也愚采後儒之說合孔子者從不合孔子者遺而易以前民用其或溺於濫祥流於術數惑於元虛者皆非正指采錄博焉若陳邵之學爲易外別傳至以伏羲爲先天文王爲後天與夫方圖諸圖於傳無徵概不敢從易有聖人之道四獨以古爲本義亦不敢主惟河出圖洛出書則見於大傳然此特聖人取則於物之一端本非作易之源說者諸國書已亡今所傳乃九宮數出乾鑿度及偽子華子陳希夷傳致以爲今圖耳但傳既有明文又無他圖可引過而存之以備一說非同泥圖書以言易者也凡此皆求合乎孔子

之傳不敢離其宗而已依王註析傳以附經便覽也刊古周易於首原始也

易義約旨三卷

國朝黃應奎撰

自序曰家祖父香石先生既撰易宗一書以因象明理切於人事為宗晚年遊心古笈博觀約取復命應奎鈔撮成編題曰易義約旨蓋深淨精微為易之教大乎平時教人曰以約失之者鮮則治經從可知矣況易知簡能尤貴於約若周易集解義海撮要乃易家淵藪茲編採摭較多至祖名直書躬承面命謂上對先聖先儒取臨文不諱之義也以應奎手自編錄即令敬述其緣起云

易經串解二卷

國朝黃需霖撰

增輯周易觀象四卷圖例一卷

國朝林謙撰

周易合編卷

國朝胡珠撰 俱同上

右易類

書傳旁通十卷

明黃瑜撰 黃通志 祖志云案明史藝文志黃虞稷千頃堂書目俱作書傳旁通佐瑜之孫也所言宜可信今從之

志黃虞稷千頃堂書目俱作書傳旁通佐瑜之孫也所言宜可信今從之

尚書約註明郭尚敬撰 纂志

書經要解字非野廩生 阮通志

書經集解二卷字表光諸生 阮通志

尚書滌解十卷涿崖凡稱滌解者 涿崖所解云爾 阮通志 祝志云易別字

尚書正義四卷國朝李修敬撰 祝志

尚書離句粹言二卷國朝黃謙撰 採訪冊

尚書漢學十卷國朝黃培芳撰

自序曰孔安國古文尚書壁中真本也乃真古文已亡於永嘉今所有唐註疏本實晉梅賾偽託孔傳亦出皇甫謐偽撰爾我朝經學昌明名儒輩出則有東吳王氏鳴盛棲羅羣籍以鄭康成師祖孔學獨得其真於是專宗鄭氏撰尚書後案三十卷以復孔氏二十九篇之舊垂三紀始成洵絕學也顧卷帙浩繁不便循習爰依其本錄古經文及鄭氏注鄭注有不備者然後節取馬王注及今本傳義以補之蓋康成曾師馬融而王肅亦善賈馬之學今本之傳殆又源於肅者也此編既不錄後案語且於梅氏偽閣氏若璩孫氏星衍皆有參既有去取不能仍其舊名故別題曰尚書漢學云

書訓纂十二卷

國朝黃培芳撰 同上

自序曰余既輯尚書漢學家士以爲非功令所先於是依今本重纂訓解大抵以蔡傳爲宗經文隸以錢氏離句經文之後加以節指并約取諸儒精義仍折中於左國右史之義此書頗近坊刻塾本所爲而實無坊刻之支離悠謬大雅君子或不加深斥若夫三帝三王之相傳變者其政蹟不變者其心法是在讀者之自會矣

右書類

詩傳通解二十五卷

明黃佐撰 明史志

自序曰史志謂漢興魯申公始爲詩訓詁而齊轅固燕韓嬰皆爲之傳或取春秋采雜說皆非本義魯最爲近之三家列於學官獨漢初趙人毛萇詩自云子夏所傳是爲毛詩而宋得立其後三家廢而毛獨行世或泥於魯最爲近之語必欲宗之然魯詩今可攷者有曰佩玉晏鳴闕蹠歎之以爲刺原王而作圖已異於孔子之言矣又曰騶虞掌鳥獸官古有以騶虞子之曰也文王事殷豈可以天子言哉其爲周南召南首也己謬至此他如齊詩之五際韓詩之二傳皆非本義此毛詩所以善於三家也惜大鄭元孔穎達所爲箋疏或疑其人之誤或訂本傳之失總晉之世劉楨王肅多所難駁紛

若衆訟造於唐宋解之者亡慮百家予生始爲集傳其學  
大行然後聽者專矣論者尤病其違毛氏而宗鄭樵蓋毛氏  
至序以言詩樵則斥序之妄以爲出於衛宏而盡削去之遂  
以己意爲之序凡詩人所刺則斷以爲淫奔者所自作則非  
所謂懲創逸志施於禮義者矣呂氏祖謙詩記復主毛詩  
序子朱子見而深有取焉嘗有意於替萃所長則其心未嘗  
自滿也佐少誦詩四秀及注疏王海首明集傳之意而附諸  
說異同於其下命曰詩傳旁通正德庚午領薦而病閣得嚴  
氏榮詩輯復採入焉自是日加刪潤癸酉罹憂廢棄丁丑北  
上病不克終試而歸乃復修政并及禮樂更命曰詩傳通解  
藏諸篋笥以俟有道而正云視志云宋此書明史志著錄  
經義考存欽定詩經傳說彙纂采錄亦多而四庫全  
書不載然則此書至

乾隆中已散佚與

毛詩貫旨

明楊克修撰 按克修  
字伯永諸生 采訪冊

詩經要旨

國朝繆棟選撰 阮通志

詩辨疑四卷

國朝李維撰 同上

毛詩滌解

國朝章易撰 張府志

詩經釋解六卷

國朝鄭天輔撰 祝志



詩鵠

國朝李選齡撰

同上

詩經輯要二卷

國朝黃紹綱撰

採訪縣

葩經纂二卷

國朝黃沃楷撰

詩經表注四卷

國朝黃沃棠撰

黃培芳序曰孔子曰小子何莫學夫詩學者當經詩其首也博學之士必肄官書精要在是也我別詩經傳設彙纂自漢唐注疏以迄宋元明諸儒之說莫不各抒其說折中又時出新義補所未備鳴呼盛矣學室本則言方簡而明衍義斷而達徐氏辨體又為之發揮文情政教皆備可者也蒙士能從事於此庶乎其可我先從兄蔭亭先生手出是數書纂匠門書屋排櫺以加注焉余時亦參訂定為彙纂課讀之本以其體式頗仿金仁山尚書表注因即名為表注所以便儒學也亦博士之業之一端也碩學鴻儒自有專門名家之學或無須乎此

詩經正字三卷

國朝黃芝撰

詩義參二十卷

國朝黃培芳撰 俱同上

自片目以明說詩宗三家南宋以前宗毛鄭元明以來宗朱子此二書之大要也析之則義有不盡合之則勢有不能余

參酌其間以以小序為主取其近古而有據也義有專長者則系三家朱子以參之諸儒之說亦節錄焉其為書名物訓詁各分其類而之下義例畧如嚴氏詩緝全章之後乃大書小序附參諸說夾行小書序後即有取義亦不剛序定於一是而不泥於一家也易曰參伍以變非參無以盡變參之時義大矣哉

### 右詩類

## 禮典四十卷

明黃佐撰

明史志

自書後曰子因大宗伯掌邦之五禮輯三禮而會通或連章或散句次第合為一篇作禮典焉首郊社次明堂大饗次祭社稷次禘於大廟四時禘祭次祭五祀及諸侯廟為吉禮者七次奔喪次喪服為凶禮者二次大昏為嘉禮者二次諸侯相朝為賓禮者一次公冠次大昏為嘉禮者二皆逸禮也未及成編附於六藝流別凡一卷云夫聖人制禮本天秩緣人情而使之中節者也上下殊事古今異宜協諸義而協則以義起如此而已禮運曰夫禮必本於天敎於地列於鬼神達於冠昏喪祭射御朝聘聖人以禮示之故天下國家可得而正也又曰夫禮本於太一分而為天地轉而為陰陽變而為四時列而為鬼神其降日命其官於天地禮之時義大矣哉極大曰太未分曰一一必有兩兩必變四太極儀象之在人者也故儀禮十七篇皆侯國受於王朝藏於有司以為正天下之具者戴記則後儒引其文義焉耳蓋藏禮以修義渾

淪而無形體信以達順至誠而不貳本太一也堂階位著以  
辨尊卑柴廬升沈以秋上下明天地也昏則勝御交洗祭則  
君夫人異酌法陰陽也親則壇有四門喪則服有四制變四  
時也種蕪蕭光以報氣黍稷鬱鬯以報饒列鬼神也天人本  
一而無二於斯見之矣是故吾夫子雅言必以詩書執禮而  
且學易期無大過豈非勸容周旋中禮言即其所行者與曾  
子作大學子思作中庸皆博學於文而戴記載之嗟乎天祐  
人情本一而無二致也故明明德與天命之性皆自孝始嘗  
得古註疏發明大學之義然中庸之言與大學一揆蓋舜之  
大孝以德言即天下之大本也武王周公之達孝以禮言即  
天下之達道也因心之孝見於祭先自敬其所尊愛其所親  
而推諸天下國家則親親之殺尊賢之等本諸仁義而與禮  
行焉人人親其親長其長凡有血氣者莫不尊親則盡性修  
道渾渾乎太極在我矣位育功化豈虛語哉揆厥所元格物  
致知即明善也誠意正心即誠身也事神治人皆出於此即  
知本也後世學未知本已蒙詩書執禮爲註腳於戲孔子之  
道其不明不行矣乎 祝志云自跋云一卷明志云四十卷  
當是語撰於未成編之先明志則錄其已成書者既有自  
書後故不復撰序歟

### 泰泉鄉禮七卷

明黃佐撰

阮通志

知縣鄧還序曰詹事泰泉公先提督廣西學政所著鄉禮凡  
六卷後又以士風見禮及設壺鄉射諸篇附之合七卷云先

是書蓋刻於廣之梧司頒諸郡邑行矣彼都人士講明訟說  
見諸行事夫固有所感發興起以蹈道遷義哉香山內周邑  
井外接島夷四顧汪洋迥千里而孤閉者闕焉其土民錯居  
阻險思奢儉之中屢畛織之務能知其所爲已蓋自昔爲然  
若乃親親尊尊之制比閭族黨之交律已教人之法周旋升  
降之文鐘鼓管絃之聲凡以反廉愧之節仁義之厚使人人  
回心向道日遷善遠罪而不自知願在此而不在彼也夫民  
剛柔輕重遲速異齊繫水土之風氣故謂之風動靜取舍唯  
上所好惡故謂之俗風俗淳厚風雨時節災害不生凡民知  
所自愛重犯法亡盜賊就地險遠和氣之應賢於內郡斯所  
謂禮教素行政修民和之所致哉書曰光天之德其下至於海隅  
此言王者文命所敷無遠不屆在昔文王之德其下化之周  
南召南之詩作焉故論風俗茂美於周爲盛聖天子端拱穆  
清化行海外則斯邑諸人士其於禮樂教化政俗雍容之會  
亦維風可觀已夫以文王之德詩人繫之于二南斯豈非周  
召之治哉今公以鄉禮名書行且達之天下而上致其君與  
太平成雅俗書曰始於邦家終於四海斯大臣輔相之事公  
以爲何如還不佞敬取是書重刻於香山之邑齋夫香山公  
桑梓在焉公用之於天

下其次第則自斯始

四庫全書提要佐字才伯泰泉其號也香山人正德辛巳進  
士官至少詹事事迹具明史文苑傳佐之學雖恪守程朱然  
不以聚徒講學名故所論述多切實際是書乃其以廣西提  
學僉事乞休家居時所著凡六卷首舉鄉禮綱領以立教明

倫敬身爲主次則冠婚以下四禮皆畧爲條教第取其今世可行而又不倍戾於古者次舉五事曰鄉約鄉校社倉鄉社保甲皆深寓端本厚俗之意未以士相見禮及投壺鄉射禮別爲一卷附之大抵皆簡明切要可見施行在明人著述中尤爲有用之書視所補注之皇極經世支離曼衍散精神於無益之地者有空言實事之分耳

家禮定解四卷

明楊晉揆 採訪冊

禮記旁覽二卷

國朝鄭天輔撰 祝志

增補家禮辨定十卷

國朝陳蘭芝撰

儀禮纂註四卷

周禮纂註六卷

國朝簡思敬撰

禮記撮要一卷

國朝鄧熊撰 俱同上

周禮節鈔要義二卷

國朝黃謙撰 採訪冊

自序曰經有三禮周禮爲大視儀禮爲節目禮記爲義疏況周禮爲周公致太平之書學者自當盡全書而會其要旨惟是節目頗多初學每難卒業所以止平黃氏有周禮節訓白嚴美氏有周禮提綱無非欲學者便於誦習由簡要而領全體也今余周禮節鈔一書雖不敢緒美前輩但披讀之下隨時節錄諸說卽不融會貫通或可以詳明剖析願曰節錄要

禮記鄭註翼十二卷

禮記鄭註翼十二卷

國朝黃培芳撰 同上

自序曰語曰議禮如聚訟而註禮家以鄭氏康成爲宗古今無異議也自前代立陳氏註學者因陋就簡不復知有鄭學我朝文敎歷邁前古以十三經漢唐注疏通立學官三禮皆宗鄭學欽定禮記義疏亦必首揭鄭註爲主附采陳氏不過百之一焉然後學者知取宗鄭培芳少治禮經註疏尙矣如宋衛氏澠之集說洵亦禮家淵藪然卷帙動以百數十計頗慮其繁其集其他坊刻率宗明代大全蔓衍陳氏之說開有王義疏者又復竄亂割裂自豐其部後得稽古樓所刻鄭註最爲簡淨撝之篋笥時時肄業鄭氏已明者不復更采或有未晰采正義以足之泛覽羣儒之說有足與鄭氏互發者節取之鄭義有未協者欽遵御案折衷之庶幾學有指歸不致失之聚訟亦不致淪於荒陋但淺識末學采擇無當若云羽翼經傳仍冀有道之教而已

右禮類

續春秋明經十二卷

明黃佐撰 明史志

春秋傳意十二卷

明黃佐撰 郭棐粵大記

麟經要典

國朝何清撰 纂志

三傳析義

國朝麥樹撰 阮通志

春秋合傳十四卷

國朝劉源溥撰 祝志

左傳條貫節選二卷

國朝黃謙撰 採訪冊

春秋左傳翼三十卷

國朝黃培芳撰 同上

自序曰春秋孔子筆削之書也得其傳者惟三傳公穀詳於論斷左氏詳於紀事歷代經師輾轉相承無能出此兩宗然事蹟不明而能斷其是非者無之故學者童而人塾讀春秋必讀左傳此明經之根柢也余治春秋竊以經文之下明經義也經文之後低一格大書左氏傳并簡註附之詳事蹟也凡此取便講授便誦習也采錄諸說務以平正通達為主一洗刻鵠繼流之習雖不能驟窺聖人之微旨亦期無乖先民之大義然則翼之云者非徒翼傳將求所以通經也

右春秋類

孝經集註讀本

國朝毛天翀撰 祝志

梁佩蘭序畧曰予友毛漢翼司鐸循州十餘年凡課以文章必先以實行故所在人士受其陶成者不少其手註孝經忠

經小學凡八卷明白簡當初學易於探求  
集請付之訓勵子讀而善之因為之序

右孝經類

五經註解宋楊幼行撰按幼行  
解字太章隱居不仕採訪冊

經筵日講理稽錄四卷明何吾騶撰暴志

五經講意明何倫先撰同上

十三經辨疑十卷國朝陳瑞龍撰採訪冊

十三經或問十三卷國朝黃培芳撰同上

自序畧曰十三經或問芳課徒談經隨手創記問難析疑往往出常說之外非喜新異將以備折衷而已學子所不問及尋常問答無關體要者皆闕如本非注經也間有說本前人約括出之取便蒙士淹雅者自知出處非掠美也噫嘻千慮一失千慮一得自古而然此僅亦千慮一得之意與

右經總義類

四書說明何述鉉撰暴志



四書貫旨

明楊克修撰

採訪冊

四書講意五卷

明梁應秋撰

墨志

四書滙解十卷

國朝翁毓麟撰  
毓麟字雲山諸生  
祝志

四書廣義

國朝蕭一彬撰

張府志

四書析義五卷

國朝李韓撰

墨志

四書講義六卷

國朝鄧允恭撰

祝志

四書講義七卷

國朝鄧允中撰  
允中字衍道允恭弟諸生  
同上

四書講義五卷

國朝李雋撰

阮通志

四書泳解

國朝章易撰

張府志

四書語錄

國朝麥繼撰

同上

四書纂要十卷

國朝盧文起撰

祝志

四書敘說二十卷

國朝章瀚撰

四子書曰講六卷

國朝邵毅撰

四書講課二卷

國朝邵毅撰

學庸輯要三卷

國朝黃紹庭撰

鄉黨圖考 典制解軀錄

國朝何健撰 俱同上

四書精義要錄一卷

國朝陳相伯撰 採訪冊

四書析疑十二卷

國朝陳瑞龍撰

四書纂說十卷

國朝黃謙撰

四書句讀正謬一卷

國朝黃芝撰

四書闡註闡十九卷

國朝黃培芳撰 俱同上

自序畧曰浦氏四書闡註一書專主朱氏不涉騎墻采諸儒之說以陸稼書為宗可謂大醇予嘗年入塾即閱是書年稍長遂束庠之而肆力於雁參約旨諸書辛未閏客以重鐫開註本來舊時方課羅蘇村孔熾庭輩因復置一編喜其采擇咸注出處為之重加刪訂余偶有所得不必拘守朱注而足以互相發明者時時采入常說可補者或亦隨手輯錄焉似

更精贍蓋補氏以開釋為聞而余更從而推闡之非猶夫原書本旨矣南海勞莪野輯擇粹一書亦以是書為藍本但卷帙較繁故舍彼取此云

四書考釋十九卷

國朝黃培芳撰 採訪冊

增訂四書滙參二十二卷

國朝林謙撰 同上

右四書類

樂典三十六卷

明黃佐撰 明史志

自序曰樂之為道大哉深乎殆本諸心者已其大也同天地之和其深也洞鬼神之奧故窮神知化乃能興樂黃帝始為雲門清角益以咸池流徵英韶萌焉唐虞之際為天下而得為皋陶庶績萬幾之下宜若弗遑焉者顧乃欲聞音律出納五言何知不錫物而為此規規也誠見乎聰明明覺天因乎民也君臣同德政在養民九功敘焉九歌勸焉而九韶興矣率舞充實神禹之德致然爾命夔典之豈其所能作耶嗟乎古樂之亡久矣然周官歌奏徵諸虞謨商頌何其符也分律同以為六列合三才以為九成大樂固與天地並存矣夫豈難知者哉周衰樂弛仲尼志味於齊擊磬於衛語太師于魯蓋求諸心也道不離器君子學道其務實如是世乃驚言心學後有司存然則二三聖哲非與實不中其聲斯歟也已

此少時先公山所藏樂雜記而致詔之曰古有樂記宮角諧  
也音也小子其盡考諸退而卒業然算及星歷未之好也嘉  
之元乎水木火金成於土知仁禮義歸於聖天一人而已  
和以徵商禮義交際萬化入也琴瑟宮也鐘羽也磬角也管  
以定絃金聲玉振而諸中音以爲節此則夔之所以擊拊者  
也否則六十調八十四聲其文繁矣曷從而合之夫惟陽倡  
陰和一變爲七七變爲九而復于一則凡君臣父子夫婦之  
綱親疏貴賤長幼男女之紀六府三事之攷養民阜物之理  
畢形於樂而星歷通焉而今而後乃知大樂之必易也其諸  
體天地之撰乎竊不自揆賴古訓而通釋之黃鐘至中呂位  
乎陽者也擬賓至應鐘位乎陰者也器數以辨之歌奏以合  
之爰述樂均上下十有二篇聲物類體本乎氣者也歌風音  
律奉乎聲者也窮本知變爰述樂義九篇大司樂所掌實公  
所傳其出自周公信矣苟能通之六樂可作爰述圖說而以  
樂記詩樂終焉名之曰樂典典樂故也隆平之世稽天于民  
心審而耳決之豈無禹皋陶其人乎英韶復興庶乎在此佐  
難癖於好古罪不敢辭詩曰嗟爾朋友予豈不知而作此之  
也謂

四庫全書提要  
二十一卷爲樂義自二十二卷至二十四卷爲大司樂義自  
藝文經部

二十五卷至三十五卷為樂記三十  
六卷為詩樂其所重者則尤在樂均

樂記解十一卷

明黃佐撰

朱彝尊經義考云右載樂典

自序畧曰樂記者記樂之義也雖言性與天道而器亦存焉  
戴氏記禮取諸公孫尼子蓋孔門七十弟子之徒有志禮樂  
之本者其義精粹善發聖人之蘊豈嘗有得於子貢之所傳  
聞歟苟卿論樂勦竊其粗而遺其精不識性者也史遷樂書  
雖全載之乃後人補綴無所發明今通釋其義從劉向所校  
次序分為十一篇云 祝志云此即戴記所傳通行之本佐  
為之解依劉向次為十一篇分十一卷樂本第一樂論第二  
樂禮第三樂施第四樂言第五樂象第六樂情第七魏文侯  
第八賓牟賈第九樂  
化第十師乙第十一

河間樂記九卷

明黃佐撰

樂典

自序曰河間獻王所傳王氏樂記二十四卷與今樂記不同  
北齊信都芳釐為九卷今去其繁雜定為九篇 祝志云此  
書亦載樂典古笈賴以傳故從經義考錄樂記解之例別出  
之著千錄樂氣章第一樂體章第二樂類章第三樂物章第  
四樂聲章第五樂律章第六樂音  
章第七樂風章第八樂歌章第九

琴譜一卷

國朝何洛書撰

祝志

石樂類

四聲韻譜一百一十卷

韻補二十卷

國朝楊錫震撰

劉聖說韻精華曰楊錫震自言得沈約四聲韻譜古今本於應山僧今增補因合吳城韻補詳考音義博徵載籍為古今詩韻注凡二百六十一卷赴通政司疏上之奉旨付內閣與毛倫計奇齡所進古今通韻訂其同異

華所載與王士正居易錄畧同其卷數均與此懸殊未知其審

國朝邵穀撰 祝志

六書要鈔一卷

爾雅箋略八卷

國朝黃謙撰 採訪冊

黃培芳序畧曰吾從兄虛谷先生箋略以注疏為本參以小爾雅博雅坤雅爾雅翼等書自謂聊以尊小學之見聞夫子不云乎小子何莫學夫詩多識鳥獸草木之名夫欲資多識含爾雅無由爾雅非雅之羣雅不備且由爾雅而通經人倫禮樂亦不外是又豈僅多識云乎哉是此編信有功於初學為之敘其緣起如此

增訂四庫全書字辨四卷

國朝黃培芳撰

自序畧曰京師刊有四庫全書字辨一帙版經屢易豕亥滋多余同年何藜閣吉士出宰於潛後有刊本借傳寫亦未盡

善且每踵原本之說不及考訂培芳承乏  
御書嘗取於諸本而請正於吾友為檢閱一過其中點畫之  
友將重梓於諸本而請正於吾友為檢閱一過其中點畫之  
謬重為標出加按字小註至管窺偶及別為增錄附後不混  
原刻此雖猶加審訂仍恐疎漏貽誤是在大雅君子  
子隨時檢正庶不致誤承學之士實所深望也

類字訓蒙二卷

國朝本謙撰

切韻同聲四卷

國朝董勤先撰 按勤先字鶴樓小校人布衣 俱同上

右小學類

史部

通歷三十六卷

明黃佐撰 明史志

自序略曰夫載事之體繫日以月繫月以年者何也天之歷  
象存焉爾亮之於舜舜亦以命禹禹者帝王治天下之道管是  
矣通歷之所繇以作也是故思數焉斯統之所在也執中而  
而為之子則思數歸焉斯統之所在也執中而而為之子則思  
其統正矣苟夫其道虛及國海則其統變矣三代以上陽明  
州小其陽非無亂而治口恆多陽勝陰也是謂正統三代而  
陰陽用事其陽非無治而亂日恆多陰勝陽也是謂正統  
三代以後則累凡





息康賜及族逮禁孔棘嗚呼非下武胡辭姬非伯夷易染時  
 臣無貳心伊天之制榜揭黨誅既繁有徒乃蒐羣籍爰錄其  
 餘述死事傳第五九族之外蔓引株連爰及友朋就戮言駢  
 疊以怒移魚云殃及哀彼人斯吸爾其泣述族黨列傳第六  
 希展談缺式退亂畧必有君子而後能國革除之臣遐福者  
 食矢死不仕或遜而匿匪直章縫執受衣緇其入雖微義則  
 可師述義士列傳第八相儀穆穆婢訓肅肅視死如歸視身  
 如玉見義不易民彝炳然有醜降夫不愧於天述列女傳第  
 九保身者流冠倫魁能非木擇鳥亦臣擇君奮翔  
 新朝勤鼎持衡楚材晉用迹弗可泯述外傳第十

革除遺事節本六卷

明黃佐撰 明史志

四庫全書提要：是書有列傳無本紀明史藝文志載黃佐革  
 除遺事六卷當卽此書然佐書實有本紀其自撰序可考  
 又郁衮革朝遺忠錄別載佐序稱舊本繁文今皆刪之定爲  
 七卷是知十六卷之革除遺事乃佐之全書此則佐所自節  
 之本通本紀爲七卷此本佚其本紀故止有列傳六卷也又  
 原書如姚廣孝諸人皆別爲外傳此則不復分析其體例亦  
 稍不同

鑑史撮要四卷

明楊晉撰

抹訪冊

鑑纂二卷

國朝劉信烈撰 暴志

鑑史類編二十八卷

國朝麥謙文撰 蕭文 祝志

讀史偶札二卷

勝國遺制錄二卷

國朝李遐 齡撰 同上

史記詳節八卷

國朝黃大幹撰

採訪冊

黃培芳序曰吾從兄臨谿先生敬承家學有志古文尤喜讀史記常手一編不輟歲月既久丹黃殆遍爰自鈔纂名曰詳節昔呂東萊先生輯十七史詳節其史記體例頗異他史今臨谿之書則沿其名而不襲其例則纂就簡悉仍舊觀老眼視全書三之一已範圍全書而不遺矣夫龍門為羣史之祖讀史者所必先而是書豈無一得之助哉

網鑑易知錄摘鈔六卷

國朝黃謙撰

黃大幹序曰今之學者於二十一史非曉意絕人固難卒業通鑑創自溫公綱目修於朱子嗣後刪繁就簡不下數十家或略而不知所以略或詳而不知所以詳多屬寡要惟袁機仲別探通鑑紀事本末一書朱子稱是書始終離合之開曲有深意予以為讀史者於是書誠得其要也吳楚材與周子靜專星若所輯綱鑑易知錄其法既遵綱目復於通鑑紀事本末之法其人其事首尾原委備載又於通鑑綱目前後續編無不採入以視二十一史為書無幾而其大處可包二十

一史在其中矣獨怪學者讀史不能終篇信手抽看無益也  
子生平頗得力史記與易知錄既輯史記詳節八卷復欲詳  
節易知錄未果從弟虛谷嘗與余論史至忠臣孝子奸諛誤  
國處喜怒輟形於色非深知其味者不能如是也課徒之暇  
輒網鑑易知錄摘鈔一書比全書五分之一已範圍全書要  
領矣請予序其事予謂是書實讀史者之金針也使能卒業  
是書必能知味知味則理會通鑑綱目全文欲罷不能矣由  
此博綜二十一史直庠太史之壘似不難矣至於大而人心  
世道小則學問文章不復贅云

十七史詳節補訂二百七十三卷

國朝黃培芳撰

自序曰呂成公十七史詳節二百七十三卷宋魏七書括入  
南北史良是前冠以彊理世系紀年之圖其精在於互注其  
冗在於東漢晉書之四言贊語史記所採稱畧又闌入古史  
新唐書等意原勝舊書然舊書附有可錄者茲擬汰冗辭而  
節其繁建陽原刻已燬於火明板多有脫譌甚至於此庶臻完  
善以存宋儒之史學且便蒙  
士制局不易藏之家塾而已

國朝譚幹撰 俱同上

歷代帝王輯畧一卷

有總編類

十國通圖略二卷

國朝李遐齡撰 祝志

右霸史類

應詔六事疏一卷

明黃瑜撰 張恆儒林錄

奏議二卷 條議二卷

明楊晉撰 採訪冊

右奏疏類

梁氏族譜

宋梁杞撰 粵大記

經畧使  
仲簡序

劉氏族譜

明劉愷撰 採訪冊

楊氏家乘四卷

明楊餘蔭撰 全上

黃氏家乘二十卷

明黃佐撰 說通志

呂枏序曰黃氏家乘一編內篇者六諸例以發凡諸圖以致  
曲傳畧以衍行宗圖以萃族年譜以尊祖後錄以裕昆外篇  
者九宗法以合禮廟圖以崇神真像以厚生宅圖以知生墓  
圖以知死遺訓以繼志雜記以述事小學古訓以始於家諸  
書山系志卷二十一藝文 史部

救詩文以終於國皆香山黃長樂君之所創編其孫太史才  
 伯之所增修者才伯曰佐族自宋度支員外郎漢卿顯筠州  
 至元西臺御史憲昭以直諫謫南海迨國初溫德始籍籍香  
 山凡五世闕疑傳信斯語也大畧具矣於戲長樂君在天順  
 中為太學生曾上六正之疏時人比之陳東而才伯又為今  
 名史氏故斯語也情可以挾骨肉信可以通人鬼法可以教  
 雲仍才伯固不得利為一家史也雖然昔者橫渠張子作四  
 海之譜今學宮所立西銘是也近予與才伯同試事益知其  
 篤信而好學才高而志廣則夫發度支之積蘊紆御史之抑  
 鬱宜長樂之未究自家以及國如西銘所云者將自茲編託  
 始耶才伯又言長樂君首創建家廟中遭寇變他皆不顧獨  
 袍主以避父粵洲君割已田七十畝以供烝嘗嗟乎孝子之  
 重宗祏正信忠臣之愛社稷者乎然則才伯者今而後國  
 史攸關吾固知不止於一家乘計也乘所有者序不列

右譜系類

按祝志云語牒之學唐後已微近代尤  
 而失實雜而無章不復可以登之載籍其

惟取其見於通志及粵大記者今  
 仍之祇增楊氏家乘餘概不錄

殿閣詞林記二十二卷

明黃佐廖道南撰

阮通志

因庫全書提要道南自正德辛巳改庶吉士由編修歷官侍  
 講學士在詞垣最久嫻習掌故因集詞林殿閣宮坊臺省諸  
 臣舊事分類記載以成是編其例凡仕至華蓋武英諸閣者  
 曰殿學文淵東閣者曰閣學兼六館者曰館學育詹事者曰

官學之於明也曰坊學局宏文者亦曰館學典成均者曰廡  
學始本於此而後有之曰學大槪仿列傳之例悉載其官階恩遇而事  
始亦附焉自卷九以下標題皆作國子監祭酒黃佐侍士  
自前朝同編蓋道南探採黃佐翰林記之文不殺所  
廣州人物傳二十四卷明黃佐撰明史志存其名焉

姚涞序曰廣之先賢傳自吳陸倕始近世以來紀錄幾於  
熄矣夫廣嶺表名都也靈秀所鍾發為雋異衣冠之族聚焉  
藝文之籍興焉如是而使之久而湮也乃為傳以表之凡二十  
太史黃子才伯懼先正之久而湮也乃為傳以表之凡二十  
有四卷余得而閱之知黃子之精於史也綜之羣典以輯其  
逸參之故實以芟其說監前史之得失以辨其微遵名家之  
義例以肆其指主先儒之緒論以要其歸事核以審矣志詳  
以章矣義嚴以斷矣詞賅以達矣積之十餘年而篇牘始就  
其用意不已勤乎取一州之所記以覽千百載之事若身寓  
當時見諸先正相與揖讓其間而鑑髮無少爽者是故風節  
可仰而思也德業可考而法也言論可誦而服也先正之遺  
烈固賴是以顯而後賢繼興亦將藉聲光以自壯矣表南海  
者其在於茲錄乎余與黃子皆史官天下所當為者未盡於  
此也而黃子先成此者志厚鄉也倫以調序畧曰太史希  
齊黃子志古聖賢之道博學而精罔以餘力輯廣州人物傳  
蓋吾邦自秦漢以來幾二千載其文獻之錄載在外史者有

廣州先賢傳交廣春秋等書皆缺有闕矣敬見於類書者存  
十一於千百廣州州志荒廢而不覈正史諸傳振換而  
無統黃子蒐遺言釋陸緒疏流而導其歸剪批而茹其實勒  
成一家言且論次鄉先生之行事發明其用心以警倫俗激  
頹風予得而讀之  
蓋深有味其言也

四庫全書提要分書採自漢迄明廣州人勛之數  
見諸書者以類區分各為之傳共一百五十餘人

隴右月紀二卷 國朝何其英撰 祝志

廣東進士錄二卷 國朝李廷琳撰 向上

史傳事略一卷 國朝黃培芳撰 採訪冊

自序曰嘉慶十有七年我國家肇開儒林文苑兩史傳之  
局總纂宋編修湘書來徵吾粵先輩事蹟培芳分輯得程可  
則梁佩蘭等事畧以備采擇

右傳記類

廣東通志七十卷 明黃佐撰子在素等同輯 阮通志

自序曰吾廣十郡各自為志今會而通之者何居蓋備一方  
文獻以編民彝而迪我聖明之率典也在昔唐虞聲教暨南

交之日久矣。雖理於周，作鎮於楚，南武紀於漢，先賢傳於吳。志圖經，迭出於晉、唐之間，文獻非不足也。然不啻而述之。則統之無宗，紛員蒐瑣，甚或畧鉅而詳小，遠古而稱今，無乃草澤之私言，與高帝之有天下也。稽古立政，首命儒臣，倣周禮建邦國，數與張弛，貢賁為洪，武志繫以紀年者，示繼述也。天順初元，英廟始成一統，志惟誌其大者，而吾廣與焉。然成化以後，所增諸縣，猶之未登載也。嘉靖乙未，侍御四明戴琬乃纂通志，成於倉猝，命曰初藁，意將有待云。丁巳，少司馬督府昆陵談公愷覽而少之，檄藩司聘予仲重，加蒐輯。子病謝不能也。代以奉化王公訪禮請益，敦會侍御姑蘇徐仲揖、王枉顧衡門，稽首載拜，以請。予業已納還幣，聘力謝固辭。揖請愈虔，至於再三，而幣復重。拜不獲終辭，乃於仲冬開局于貢院左轄，新建魏良貴、大參蕭田、張英、新建吳桂芳、主議臬閻諸司則陪位焉。時少參錢唐陳善溫、陵田楊職宇在外，貢與閻之前期有司咨者，舊索經籍至是皆備，而所徵鄉進士陳紹文、黎民表、梁紹曾及子中子，在素皆集。子乃發凡舉例，歸諸廣部太守會稽陶君大有，達於有位，僉以為是。然州縣志積至百餘方，博求在古以補事之鉅，而署者不遑及也。都徽復徵庠生多辭，不至。越明春，至者惟曾元魯、陳萬春、陳寬、歐大任、林喬、黎民懷、梁有兆與焉。人各有分彙，表不踰三凡四閱月而竣事。惟碑碣詩文，交互鼎來，視之快焉。莫能鑒也。諒於魏良貴曰：「焉有綜貫百家，能裁摘菁華者乎？」曰：「願提舉起經其選也。」乃召顧君以監膳至局，剛節分註已于事而竣。歷代題名，前脫後闕，考之茫然，莫能補。因諒於陶大有曰：



焉有宏覽載牒能研覈古今者乎曰陳縣丞達其選也乃召  
陳君以供備至局參伍傳記已於事而該於是草創編爲七  
十卷會紹曾北上惟留陳黎二生討論修飾然題辭論贊猶  
諫讓未遑予則總之願所記錄悉確有據惟潤色而已何者  
千鈞之重加以鑄鍊則移萬里之流祛其蕭葦則駛子美容  
心於其間哉第性本疎愚言且耄拙幽痾頻作載筆殊艱每  
欲已之適王公擢憲留臺代以莆田鄭綱亟令有司贊成其  
事而侍御歸安潘季馴尤惓惓注意遂錄諸梓仍檄學諭陳  
其箴劉裁康日章次第校讐會播侍御以交代去左轄姑蘇  
楊伊志大參徐南金皆以遷去而右轄豐城雷賀大參  
萬安劉慈少參江袁庭樞海鹽馮皋謨僉以校完遂貺諸  
庫以俟代巡侍御漢陽蔡結左轄福清翁世經偕至而後頒  
行焉凡三歷寒暑而後成蓋事事不敢苟故也子乃拜首風  
言曰倚乎一方文獻庶其備哉惟皇上帝降衷于下民有  
恆性焉日用之而不愆庶其備哉惟皇上帝降衷于下民有  
汎芬芬干何其父惟后王君公降德于兆民有成憲焉承以  
大夫師長而罔所鑒觀則易以愆忘匪文緝厥訓典將敗制  
越軌干何其率是故善思治者厚其生殖均其地徵以綏之  
阜其財求利其器用以富之茂正其德節適其性以教之而  
又輕繇少事以振其急約法省刑以持其後使之務利而避  
害懷仁而畏威此輔世之大經也然猶時遭皇華之使諫謀  
詢度慶賀其福事賻補其札喪賙委其凶荒案繪其師役哀  
弔其禍哉凡此五物者治其事故及其利害爲一書其禮俗  
政教治刑禁之逆順爲一書其悖逆暴亂作惡猶犯令者

與夫因喪荒而厄貧及康樂和親安平者又各爲一書焉外  
史合爲四方之志掌其成書藉之政令以保天下元元畏天  
命而憫人窮故也是則會而通之者其來尚矣遵我太祖作  
志之初從其諸周禮是宗乎故大司徒掌地城廣輪之數令  
遂人造籍鄧形體之法形方正其華離司書括其圖記量人  
分其涂數保章詳其星野用是土訓掌道地圖以詔地事誦  
訓掌道方志以訓觀事如指諸掌矣始總一方終列十郡而  
終以羅浮南海者多之望也是皆志之管也故首圖經訓方  
氏掌道政事與其上下之志傳而誦之乃爲編年自周迄於  
正德迄今脈貫鑑戒罔矣其倘資治之史乎故次之以事紀  
太宰施典於邦國以治官府邦則牧監州縣國則封建諸侯  
官則用人府則理財後世不能易也檮文敘奮武衛設方伯  
達帥監夏殷而損益之猶夫周也書其姓名邑里作職官表  
大司徒以三物實其必先德行今也藝焉而已然猶賜恩以  
勸孝焉作選舉表國有仁賢則職方之圖土地人民政事賴  
之矣由是庠序之嚴始於釋奠鄉射莩于大土地人民政事賴  
舉也凡大合樂必選耆老發絃歌施英韶以協大師律同皆  
可奏也禮樂明備則文章煥然可遠故凡書掌於外史者達  
于四方擣之罔極而琬琰即焉作五志乃若考德行察道藝  
敘一而已矣故名宦有聲茲土人物罔玷厥躬者與夫流寓  
之進退列女之正烈皆核實作列傳而與敘諸蠻祥告神怪  
則爲外志終焉倚乎蒐之弗精輯之弗詳是謂猶備實子之  
罪也夫抑又嘗竊聞之尙書大傳南交宅于荆揚裔土非至

秦漢而後通中國也證以水經注則陶水之渚有堯行宮而  
舜奏九成於韶石迷聞雖若不可究詰然羲叔平秩夏伯貢  
樂蹟其在茲與是編也探擷頗繁舊志百僅存一大類皇華  
分彙而合成之雖無甚高論然愚者一得於輔世福民之道  
獨諄切焉其事則粵其文則史其義則通天下之志苟潤澤  
而時措之豈但備一方文獻而已哉於戲豈但備一方文獻  
而已哉

### 廣西通志六十卷

明黃佐撰 同上 祝志云千頃堂書  
目作四十二卷今從四庫全書目錄

四庫全書提要黃佐撰林富參修富諸田人宏治壬戌進士  
官至兵部侍郎兼僉都御史總理兩廣是編凡圖經二卷表  
八卷志三十卷列傳九卷外紀十一卷大政頗謹嚴其沿革  
分野職官選舉皆作表以省簡牘體例亦善惟土官已錄藏  
方命以爵秩而列之外紀非大一統之義寺觀亦列外紀云  
闕異端然他釋則人之列傳中不可錄既以  
俱矣藝文苟無關乎風土則不可錄既以  
其有關錄之而列之於外紀中尤不允也

### 滇陽第一州志

明黃經撰 阮通志

### 廣州府志七十卷

明黃佐撰 同上 祝志云明史志作二  
十二卷黎民表撰佐行狀作六十卷而黃

遵志及本序俱作  
七十卷今從之

佐序錄畧曰子輯郡乘有作有述作之目十有八述之目十  
有七惟是版圖縣有昔為郡者地或有析入於他邦若東莞  
新會清遠是已又有析於他邦半入於我者若高要今南海  
西北為三水已夫析而不經謂之準紀而不屬謂之離正  
其封疆無有華離之地古之制也故沿革雖述而創造攷證  
則與作同至于事紀筆素造元皆史書所傳聞而開國到今  
嘉靖丁亥則予所見所聞悉在治亂得失誦訓者設若指掌  
矣風俗一篇舊畧今詳周告夫立政者人物傳始董正終  
仕風凡若而人今增若而人以補所遺書日德惟善政政在  
養民傳曰治天下以提獎務簡而盡分註以記言務核而詳悉  
注楷者也大書以提要簡而盡分註以記言務核而詳悉  
出子筆削而門人番問敘論龍溪吳卓訓導臨川張善南海  
教諭桂林袁吉從化敘論廬陵彭時濟東莞敘論蒲田黃晏  
相與遞錄之會總制新建伯陽明王公守仁至手書其先世  
參議綱死增城事俾錄入焉且命其門客泰和陳國士偕南  
海關直方結寫入梓校正文字大約五十餘萬言合其目三  
十有五定為七十卷

香山縣志

明容煥與撰 阮通志 祝志云黃佐  
嘉靖志序此志永樂中撰蓋初志也

香山縣新志

明黃經修 阮通志 祝志云黃佐嘉  
靖志序此志成化甲辰修第二志也

新會縣志

明張文鳳陳豪修南海蕭  
廷相輯黃佐訂 阮通志

黃佐序畧曰新會邑於宋開寶甲子凡五百三十有五載爲  
宏治戊寅嘉魚李世卿氏乃撰志又四十載爲嘉靖己丑邑  
士容翹輩運成之會常熱張君侯公儀至覽之嘆曰倚乎厓  
山報祝曷爲詳於圭峯乎非制也白沙陳子以薦舉而序諸  
貢吏之閑抑外矣乃就訂於子予病未能也及長樂  
陳君侯士興至則又懇子予乃發例俾門人述焉

香山縣志八卷

黃佐輯 明史志

黃佐序曰夫志何爲者也其殆肇諸周官乎太宰以六典佐  
治而大司徒掌土地之圖人民之數於賓興賢能尤數數焉  
庶富而施故典故應爾也乃保章之辨封域春官統之職方  
之圖民物夏官統之司民之登版秋官統之匠人之授田冬  
官統之六典之書則掌於太史凡辨法者考焉邦國四方之  
志則承其流者也周之邳隆其以人才爲本者與志之作也  
其斯而已矣周官法度久廢不行迄漢建武中始詔南陽撰  
作風俗故沛三輔有耆舊節士之序魯廬江有名德先賢之  
贊郡國之書由是彬如也其存而傳者袁康之越絕書惟重  
計倪常璩之華陽志博收名士由是言之志而舍人村尙何  
志哉我聖祖開天召儒修志總以太史固周官法度乃文獻  
昭垂三百禩闢雖麟趾之意洽而菁莪撲棧之治成矣迄今  
皇上重光先烈化洽四海凡有土地人民政事者必務得八  
焉有徒志而文者市人猶且得而誹之敝邑編小僻在海嶼  
未可謂無人顧簡冊久佚可使寂而墜與舊志創自永樂中  
邑人容君梯與迄成化甲辰庠生黃君經增以爲新志詳於

鳥獸草木而名宦人物則畧至是賢令文嚴鄧君復延縣文學齊君敷和郎君良胡君禮開局纂修補其未備俾予裁定予方在苦未能也乃令門人楊上舍維震輩撰次論贊比及祥禪躬爲潤色昭其晦芟其蕪立綱振目稍可觀省凡八卷云是故風土以觀美惡民物以察登耗政事以審弛張教化以知興替黎獻以考盛衰藝文以備徵信雜志以辨妖祥一邑之事亦畧具矣矧邑負仁山以施仁政周官之本其在茲哉予不敢忝從太史氏後是用僭言於首

### 香山縣志十卷

人何準道等輯申良翰修邑

申良翰序曰考諸封建之世國無大小各有史官秦以來郡縣天下而列國之史廢風俗一書肇自東京後之人踵其法因職方之所隸詳載其疆域人民官師貢賦謠俗嗜好之各殊取扶風漢史之一體而名之曰志然則志之作也其猶史氏之遺乎今皇上統壹函夏拓地廣於曩代命官敷治無間遠邇臣良翰適得以輶材學製待臬香山香山僻處邊徼大海環其外或疑大吏以及良二千石宣威布愷訟獄日損科第蔚興寡廉鮮恥之事不作日與僚屬交勉以職業與士課文藝與民行鄉飲酒禮朔望講讀聖諭弛之周弗勸董之周弗懲未聞以不率煩大夏者然後知德化所覃被至深且遠也縣舊有志成於盛明嘉靖間距今百數十年時代既易制置亦殊修輯志書上之史館彙成一統志翰恭逢盛事思以上副

香山縣志十卷

同上

暴煜序曰言政務於郡邑某移矣乃紫陽氏守南康甫下車  
卽詢郡志豈其無亟於此者而君子以識先務歸之何哉蓋  
志乘一書實權輿於古之方志云古者國有掌故凡建置沿  
革丁賦軍政山川風土諸鉅典將久而散佚是懼則於方策  
焉載之曰方志統諸外史外史者與大小史同掌邦之六典  
者也且夫志也者豈惟是備遺忘資傳覽云爾哉人之於一  
郡也必明於一郡之人情風尚川原燥濕之故而後可以制  
一郡之政人之於一邑也必明於一邑之人情風尚川原燥  
濕之故而後可以制一邑之政而此一郡一邑之人情風尚  
川原燥濕之故莫志焉備則於此一郡一邑之人情風尚川  
原燥濕之故之欲推之而準措之而通莫志焉求不然紫陽  
非迂闊者顧爲此不急之務哉方今 聖天子勵精圖治  
振刷舊典雖是二三大吏若郡伯咸震動恪恭事有不便者  
輒解而更張以求副 上德意故時政之大者舊志多缺  
然未備如海防同知之設未著於職官非所以明制也兩協  
官兵之抽撥未詳於營伍非所以記實也沙淤新增斜坡力  
闕弗著其例而在於眾非所以勸農也爰是謹脩邑紳李君  
卓揆孝廉陳君晉厚司簡筆開局於豐山書院之鑑亭余以

香山縣志

卷十一

藝文

史部

—



謝時將錢板謹識數言於簡篇而詮敘其始末之概如此  
視志云序稱陳書同輯書以意見不合引去未竣厥事

# 石城縣志八卷

訓導黃紹統輯  
國朝知縣喻寶忠修  
祝志

黃紹統撰序曰高涼隸嶺南之西領州縣六而石城爲殿固  
所稱偏隅也地雖偏而土地人民政事必有與立宰斯土者  
其所以慎封守撫蒼赤審張弛是果何道之施詎不各守爾  
典而能報政一方與循是說也則凡布芳躅於當時昭遺規  
於來許匪志弗諒矣惟是建縣以來厯唐至今千百餘年  
其間陵谷變遷人物隆替戶口登耗風俗消澆匪紀載則不  
傳刻傳矣而魚魯混淆亦弗信非蒐羅稽覈勒成一書其奚  
以信今傳後上備輶軒之採哉石邑有志由來已久已丑統  
志時則出自前侯孫公距今業七十載矣故於公事謁  
公大夫時每以補輯之說爲請諸公均有志未遑將母事之  
進士卒卒是邑一切興革輯纂諸善政次第舉行卽以修志  
之役是任顧丁酉戊戌兩歲災祲叠告公心力已瘁又卒卒  
弗暇年來歲稔人和乃起而珥筆焉時有若簡亭王先生者  
公姻友也淹雅多才與之分校將夾著而後成書蓋其審慎  
譚讓若此統雖與考輯自慚譚陋而分門別類去偽存真剛  
繁就簡竊有力焉於歲石之先推耽錯處大都樸野悞偏愚  
魯之習或亦不免我國家涵濡日深聲教所訖久已進於  
鄒魯嗣公蒞任文物丕變卽櫛櫛茅麓鏗琅皆絃誦聲上之

化下疾於風草賣其然乎此則統目羣其盛而志所未及此  
音竊願有以補之夫以公之經濟施於土地土不曠矣保此  
人民民不因矣振而政事政不窳矣而學問文章見於此志  
特一班焉爾公今以循卓入  
亦俾知嶺嶠偏陋其土地人民政事  
亦自卓卓可觀若是者願不倖與  
魏行將藉手以獻

重修香山縣志八卷

人黃培芳等纂祝淮修邑採訪冊

黃培芳書目錄後曰道光丙戌臘月邑中薦紳先生馳書羊  
公官從事於此子其繼事母解余敬趨邑以聽嘉約承賢侯  
書劉文泉舍人濟蔡蒙泉孝廉顯原余門人番周賢書麗虎  
門茂榮六人共事而屬培芳彙其總焉諫吉於丁亥仲春開  
局城內各都並設採訪局分其勞任即專其覈實也於是發  
凡起例定為十二篇有土地而後有人民政事輿地第一其  
日八按圖考史故圖說最先既有與地建置與焉第二其目  
五既有建置經政行焉第三其目九行政必設官職官第四  
任官由賢材選舉第五二篇皆一表而仕宦封廕飲賓連類  
及之海防鉅政也第六澳門附焉地有古蹟不容沒也第七  
其目五金石足資考証第八方隅摹拓無多採至明代稍從  
變例也由是推之義取激揚宦蹟第九列傳第十傳之分目  
又五藝文為人物之緒餘第十一惟錄四部序目詩文則分  
見各門邑事不可不書事畧第十二俾詳異雜記終焉就正

有道劍以爲題然猶思採訪容有脫悞諒屬子爲之偏履限  
從周爰諮度視侯復延南海曾勉士明經劉嘉應李秋田茂  
才光昭晨夕衙齋相與商榷期盡善也培芳樂觀厥成敬書  
目錄後日誌爲史家之一體大抵志地理官師食貨經籍五  
行數類而已古之志專以地爲主韋重圖經元和郡縣志  
始涉古蹟太平寰宇記稍增人物藝文自元明以來郡邑志  
大興輟轉沿襲未大於本與圖反若附麗蕪濫斯甚迨康對  
山韓五泉輩起而矯之如武功朝邑等志復然獨絕然以成  
一家著作則優以儒一方掌故猶畧其志意在詳核有體繁  
簡得宜仍不離乎地志之方掌故猶畧其志意在詳核有體繁  
晰支脉都鄉必細書里數海防尤鉅圖必親歷開方山川必審  
採引須詳出處本王壽外臺秘要注也詩文攷隸夾注用范  
成大吳郡志例也著錄書目師漢書之志也兼收金石仿夾  
際之畧也檣寫平岡遺唐六典之式也嚴義例明瞭斷缺者  
補之謂者正之或一字可疑旁參竟日或一端未協合訂羣  
編牘省事增固非求有用戒無稽焉耳凡此皆稟承於我侯  
親加裁定獨是培芳學識諒陋無所發明建德先施近負賢  
侯幸珥筆從諸君子後不敢稍徇私見是則余所冀就自惕  
已也

# 香山志一卷

國朝黃培芳撰

自序曰香山者廣州之大邑也自秦郡縣天下而漢史列傳  
未嘗稱其縣人茲志不名縣法古且遵官書也道光七年余

總纂香山縣志八卷復約為三篇彙括土地人民政事附諸家集以貽好事者

重修肇慶府志二十二卷

國朝黃培芳撰

培芳跋曰案此書肇端雖已屬草肇羅親察仁和許青士先生乃齊覽之以為蕪濞泛濫全不成書斷難什梓延予重撰時經費耗盡載籍並散又迫於日月僅以成編因官書不便敘跋私識於此襄事則陳在謙同年鄧庸光明經也

重修新會縣志十四卷

國朝黃培芳撰 俱同上

培芳序曰昔何文懿太保序舊志有云吾邑故有志實李世卿氏所載筆也其後官詹黃泰泉先生蒐而輯之亦既彬彬矣今二書原帙已不可見國朝以來又經賈王二大令遞修阮芸臺制府纂通志時亦檄輯草志以備采錄溯王志成於乾隆辛酉迄今道及百年未有嗣音適聞縣林古畬先生以名進士移宰是邑政通人和百廢具舉遂謀之都人士首以志乘為亟於是籌費定議走書幣延培芳暨南海曾勉士學博釗同至岡州開局於紫水義學乃擬為圖說輿地建置經政職官選舉古蹟宦績列傳藝文金石事畧凡十二門類分目四十復撰纂修體例採訪章程各知千條林侯訂定梓付局中及各都里使周知共事焉分纂諸君為何秋梧鳳何掖垣朝昌譚百峯錫朋阮竹潭榕齡陳紫垣瑤光羅葆卿芳崔霽堂廣祥總理經費則麗天譚君興然始事於道光己亥四月越歲庚子夏五而脫稿夫新會開縣既早幅員亦廣列

於廣州樂劇六大邑則土地人民政事所藉以為治諸者理  
筆從事良匪易易至崖山忠節關乎一代存亡白沙理學繫  
乎千秋道脉尤屬別邑所無履山川而徵文獻圖經為本繪  
撰伊始維艱考証多疏沿沿革奉混珠其藝文金石無非創稿  
人物事畧大費旁稽由此類推難以殫述培芳與勉士各儲  
書數萬卷參互考訂實事求是諸君子並能相與有成而深  
識定見羣言折衷則以林侯為宗綱焉繼任又得虞山言侯  
為文學賢裔取給冊籍無不立應俾臻完善培芳念曩者纂  
修香山志茲復與修新會志皆承先祖泰泉先生餘緒不可謂  
非厚幸也編輯既竣爰敘其梗概如此

### 右地理志乘類

祝志云阮通志有方志類錄粵人之

而藝文志所錄秦以前書不別立門目時與地一也  
今通其義凡邑人之撰他省郡縣志者皆錄於此篇  
惟以都會郡縣及年代為次不復出方志之名用免破碎云

### 粵東全省諸洋圖說

#### 海疆理道圖

志

國朝黃標撰

阮通

### 澳門述一卷

國朝李冠齡撰

祝志

### 澳門記略二卷

國朝印光任張汝霖撰

附錄

阮通志

四庫全書提要光任字敬昌贊山人官至太平府知府汝霖  
字芸野宣城人由拔貢生官至澳門同知考濠鏡澳之名見

於明史其南有山離立海水交貫成十字曰十字門今稱  
澳門屬香山縣乾隆九年始置澳門同知光任汝霖相繼為  
此職光任初作是書末竟至汝霖乃踵成之凡為三篇首移  
勢次官守次澳舊形勢篇為圖十二澳舊篇為圖六考明史  
地理志祇載南頭屯門雞棲佛堂門十字門冷水角老萬山  
零丁洋澳諸名與虎頭山關之類其他皆未記其詳此書於  
山海之險要防禦之得失最悉蓋此舉  
六編志詳細目載筆者各有體裁耳

右海防類

一覽 明黃經撰 張府志

羅浮山志十二卷 明黃佐撰 阮通志

自序畧曰羅浮粵望也洞天福地名列道書浮傳於羅事載  
漢志至晉葛洪居之而後始大有聞矣然未有顯志也哀宏  
始作登羅山疏竺法真體之其意豈主羅客浮故與二疏散  
見類書不行於粵土宋郭之詳乃為羅浮山記譚粹哀之為  
集王胄復續為圖誌猶未之詳也逮永樂中陳公璉廣甯所  
錄蒐及道書而鄭安期朱桃椎之類未免疏謬先君粵洲先  
生栖息茲山嘗欲正之不果子結草廬思與瑤石黎子民表  
陟降厓巖以嚮之病未能也歲庚戌春二月與甘泉翁偕遊  
黎子暨梁子夜從焉詢舊志於道士則亡矣於是託歸善姚  
子法求得錄本黎子復得圖記於故家乃博訪旁采綱以圖

經而後條舉其詳昔所未載而今創聞者為雜記以終之茲  
補弱於精審子亦稍加潤色蓋七閱寒暑而後成編凡一十  
有二卷云黎民表後序曰羅浮當循廣之交治城在其西  
龍登陟不甚阻而遊者難之乃僞謂在鉅海中云歲庚戌民  
表始獲侍吾師海隅先生往迺是時春雨初止山谷間蒨勃  
真雲峯嶺若出若沒從水石中行可十餘里入黃龍洞修舍  
菜磴夜抵冲虛宿焉比曉過觀後求所謂朱明洞者則榛莽  
已闕曠如與奧如與申太芝所探云有日月星辰者未知孰是  
徑路左轉至青霞谷蘇真人鍊丹處有壇墀存焉遇望飛雲  
石樓諸勝慈禱翹麗遠近可絕復經梅花村返樞而歸先生  
謂民表曰名山之在中國者胡可勝紀獨羅浮以神仙名者  
何居夫世外之道雖王金丹次則儀鄰與陽偕作俾坎離交  
而內外合惟夜氣清明其見天地之心乎故素岱日觀茲山  
實同儒仙之奧其開先一也否則梁王葛單瀟溪豫章曷為  
來哉矧其觸石膚寸昔嘗肆望可湮沒而弗紀與女小子其  
識之民表乃即陳琴軒氏所為志而增修之自袁彥伯三法  
真二疏以及南粵異物諸志旁羅遠索咸因類附見而歷代  
詞賦稍駟雅者亦必采錄彙成先生因為釐正括以圖經表  
以論贊山川必辨其方位品物必摹其形狀建置必審其興  
廢名賢必核其篇詠列仙必舉其丹詮釋道必推其流別襍  
記必定其僞外或昔顯而今伏或始無而今有者悉品列焉  
凡十有二卷而羅浮之故實粲然大備嗟乎茲山志於范史  
名於抱朴詠於李杜發於眉山不謂不知遇矣勝國以後纂  
修者雖於見聞使靈蹤真氣間鬱弗彰非所以助遊心詔遠

觀也先生乃今因民表初編潤色成書以副於石室而垂後世謂非天人合發曠克爾哉或者以爲稱述幽元醇駁並舉

不卒匯于吾道通方之士

必能得之言意之外也  
阮通志云黃志有黎民表志十二卷即黃志也觀後序黎爲初編而黃修飾成之及作志時不欲自以爲功故以民表著錄云

爾

增補嶺海名勝志十六卷 錦巖山志略四卷

國朝陳蘭芝撰

嵩山紀遊一卷

國朝何文舉撰 同上

浮山小志三卷

國朝黃培芳撰 採訪冊

自序曰浮山小志何爲而作也曰陽山也羅浮之山峯巒閭谷以千百計浮山尤深遠足跡弗能遍不盡可志前志既詳可不復志專志浮山尤詳酥摩一洞不啻什一之於千百不已小乎然則何以遺大言天下之至蹟而不可惡也山川情狀巖圖經之筆莫能窮其變探賾索隱擬議形容其稱名小其取類也大矣夫大包羅綜貫大而能博者其惟先文裕公之羅浮志乎以大賅小即小見大其義一也余兩游浮山皆主蘇轍道院與江瀛濤外史善瀛濤至以關山屬余於是按別巖谷務窮幽深遊履所至率爾探賾得記勝若干條付瀛濤校訂并取題誌諸作附焉區區補闕拾遺奚足爲名山增重



而源濤聞幽之意要不可沒且寓內  
不夢幽人辨為探幽者引其端云

右地理山水類

欖屑二卷

國朝何大佐撰 祝志

魯蜀文獻二卷

國朝陳蘭芝撰

香山物產略五卷

國朝李延齡撰 俱同上

自序曰香山之為邑山襟其裏海帶其外東接虎門西鄰梅  
角北通省會南盡重洋幅員既長物產斯夥夫山經圖罔象  
足廣厥問爾雅註蟲魚弗殫其瑣僅載名目既就簡而無稽  
專援古書徒矜博而失實均之未當也采諸馳訪者從耳治  
後諸親閱者從目治於世所同則臚其所以異於地所獨必  
著其所從來形色不遺性味皆具政俗因而旁及治療亦復  
兼陳昔人云一物不知君子所恥生斯土者寧或忽諸未聞其詳敢志其畧  
國朝黃芝撰 採訪冊

粵小記四卷

國朝黃芝撰 採訪冊

補境序曰泄官者欲稔其風土則邦人之雜記可覽也韓公  
入境即假圖經朱子下車先詢邑乘其意不有在乎至於志  
乘所弗及有心人執管記之又烏可以其小而忽之也子通  
查石廣文課子姪偶詢風俗得其從兄瞻谷所為粵小記

之記凡四卷附以粵諸雜書風土閩資吏治時舉以兩牧令  
有愕然詫為奇察者豈非耳目之一助哉予既佩香石之說  
經鏗鏗復親瑞谷之清言妮妮梨花妙舌迺屬二難爰書數  
言以誌欣慕道光十六年仲冬月高平祁項寄食書院瘞  
書屋黃大幹序曰瑞谷弟生平好為詩尤長記載日積月  
累竟成卷帙忽謂予曰夫子不云乎賢者識其大者不賢者  
識其小者弟不賢識其小者耳然是書雖小可  
與志乘相為表裏此瑞谷粵小記所由作也

### 粵諸一卷

國朝黃芝撰

自序曰余既撰粵小記四卷閩中難憶奇聞異事不能割愛  
者別次為粵諸夫齊諸者誌怪之事粵諸亦師其意云爾  
國地異名錄一卷 節錄海國圖志一卷 俱同上

### 右風土雜記類

### 翰林記二十卷

明黃佐撰 明史志

四庫全書提要不著撰人名氏按明史藝文志載黃佐翰林  
記二十卷而廖道南殿閣詞林記序有與秦泉黃佐纂翰林  
雜記六冊之語則是書自當山於佐手佐即撰秦泉鄉禮著  
錄於經部禮類者也所載皆明一代翰林掌故始自洪武迄  
於正德嘉靖開每事各有標目凡二百二十六條本末賅具  
首尾貫串敘次頗為詳悉如所記殿閣卿寺轉銜與明會典

### 香山縣志

### 卷二十一

藝文

史部

三

諸書互有同異又會議結寫諸條制度甚詳均足以備考核其十七十八兩卷具列館閣題名尤足以見一代人材升降之梗廖道南撰殿閣詞林記自九卷以後多採佐書以足成之今以此本互相檢核其文不盡相合蓋道南又有所點竄以歸一家之體例此則佐之原本耳其文與道南之書互有詳畧可以參考證明以繼李肇程俱陳騭王士點諸人所作唐宋元明以來詞林故事亦大畧備具耳

### 南離志二十四卷

明黃佐撰 明史志 祝志云阮通志列

四庫全書提要南都太學建於明太祖吳元年景泰中祭酒吳節嘗撰志一十八卷嘉靖初祭酒崔銍重纂未就佐得其遺牘因復加修訂以吳志為本而增損成之凡事紀四職官表二雜考十二列傳六書法一準史例頗為詳備惟音案考一門多泛論古樂皆佐一己之見於太學制度無涉殊失原旨故敘述具有本末成於嘉靖二十二年而中有萬曆中事蓋後人隨時續添者也

### 右職官類

### 三通節略二卷

國朝簡思敬撰 祝志

### 里長劄記一卷

### 革大當記一卷

### 倉團合編一卷

國朝林森撰

刊  
採訪

右政書類

翰香齋金石考

國朝劉源溥撰

祝志

嶺海樓藏書總目三卷

國朝黃培芳撰

採訪冊

右目錄類

端州金石略二卷

國朝黃培芳撰

秦漢瓦當文考二卷

國朝劉其政撰案其政字璿在東門人精究八法以小楷書見賞於鮑逸卿

大史所著瓦當文考二卷麥學健爲之序

右金石類

子部

近思續錄五卷

宋楊幼行撰

楊氏遺書一卷

元楊紹孫撰

俱同上

皇極經世書傳八卷

明黃畿撰

經義考

自序曰夫有畫無言庖羲之易也彖後斯有言矣予欲無言  
象帝之先故曰四時行焉百物生焉天地變化道之顯也鳳  
鳥不至河不出圖天地否塞道之晦也立象盡意而律呂聲  
音豈能外哉自畫前觀之太極分二先得一爲一以統四時  
後得一爲二以奠四維加倍則十二相乘終於六十皇極之  
用天地之心也兩倍爲四元會運世以彌綸焉天下之物管  
足矣故夫仰則觀象於天日月星辰也俯則觀法於地水火  
土石也近取諸身性情形體也遠取諸物走飛草木也幽明  
之故死生之說鬼神之情狀其一動一靜之閒乎是窮理之  
事也三皇象春五帝象夏三王象秋五伯象冬與天地相似  
而道濟天下矣贊易以祖二皇序書以宗五帝則詩以子三  
王修春秋以孫五伯旁行不流而樂天安土矣是盡性之事  
也生長收藏以盡物一元猶一日也化敘勸率以盡民古今  
猶旦暮也權變事業其神用矣乎故範圍天地之化而不過  
曲成萬物而不遺通乎晝夜之道而知故神無方而易無體  
是至命之事也昊天四府而陰陽以升降焉聖人四府而禮  
樂以汗隆焉厯居陽治陰而象數以禮行焉律居陰治陽而  
聲音以樂和焉故河出圖而天數五地數五象數也鳳鳥至  
而雄鳴六雌鳴六律呂也倍而四之皆以爲用焉天道之用  
圓倡乎方矣皇辟之用義兼乎黃矣厯以藏用乾坤坎離所  
以不用也律以顯閏日星水土所以必用也飛于之學其傳  
尼之學乎仲尼之道其庖羲之道乎邵伯溫子也不能授之

於父張嶠王豫徒也不能盡之於師而牛鑑雅張行成其  
廖應淮朱隱老五家曉藝紛如不有九六之鑑曷敢能師之  
門乎哉也不揣固陋為管窺十有三篇以

國庫全書提要幾黃佐父也是書有佐附記曰皇極經世未  
有全書先君得諸道藏手自錄之今其理所載乃蔡西山指  
要非其全也祝氏鈴以素為元六十四卦皆用四爻與邵  
子異矣廖應淮元元集從之惟宋道老始宗本旨為之然  
未盡也先君自成化乙巳隱居男淵草堂始悟氣以六爻體  
以四分用九則三十六宮用六則二十四圖蓋皆律呂四唱  
方和而後乾坤坎離用焉天地萬物之理貫於一矣又謂凡  
所註釋有未備者佐附以所見則從步也年月日時分秒書  
夜進退積成一元消長則命算王補其間焉然則是書  
佐所續成也又稱幾有自序比太無之殆傳寫脫矣

三五元書二十五卷

明黃畿撰 黃通志

幾者論曰天地以無為而人物以有為凡三才以動為  
行以因為府焉翼未形之謂無氣質之謂有氣質之謂有  
之謂動生勉迭用之謂因無則有有則動動則固固則  
於消以至於無窮人莫知所從故能為死為生時息時行聖人  
於消以至於無窮人莫知所從故能為死為生時息時行聖人  
惟宇宙之柄懸萬化之鏡故能前民用知吉凶以窮理盡性  
至於命夫易惟八八其八而為六十四皇極為九九其九而  
為八十一太玄洞極潛虛經世其數皆不外是乎出然其究

三五面已矣是故五曜緯天虛其中經以四海之流五事緯人虛其中經以四方之宿五嶽緯地虛其中經以四海之流五事緯人虛其中經以四方之宿五嶽緯人爲聖在靈爲介其祥青黑維東曰木蒼精司矩正位乎雲次乎巽在天爲風雷在地爲林藪在人爲親在靈爲其祥青維南曰火朱明司衡正位乎離在天爲雲電在地爲陵在人爲視在靈爲羽其祥青赤維西曰金白藏司權正位乎兌火乎乾在天爲霜雪在地爲金石在人爲言在靈爲毛其祥青白維中曰土黃靈司繩正位乎坤次乎艮在天爲霧在地爲墳衍在人爲思在靈爲羸其祥青黃是故三爲五宗五爲三輔五禮肇乎三統而民彝正矣虛其一倍其四中而民情和矣五倫行乎三德而民彝正矣虛其一倍其四中而相維則八卦九章皆五行也生數五成數五天地相承則河書洛皆三才也參伍而衍釋之禮樂于明鬼神于幽政道于大術數于小苟違三備五而能成吾未之前見也是故人知易範爲數學之宗而不知唐虞之世七政五典六府三事無乎而非此也蓋全則爲聖爲賢敗則爲禍緯爲釋老惟人神明之耳至探所原則數雖有千百千萬萬以及萬萬不可窮然皆出乎三成乎五本乎一故曰三十

小學節條

又曰心爲大極此之謂也

張府志

小學古訓一卷

明黃佐撰

明史志

自序曰子朱子小學凡數十萬言教人之道備矣後學所當  
尊信終身誦之者也然書既浩繁理涉宏奧世俗蒙訓乃或  
置之而無以他書為先子竊懼焉夫古之施教也凡以問其  
月而稱諸道也童蒙之時性澤聰穎言易入苟使先入之言  
在復而無稽易以端其趨向哉故今採取內篇之最切要者  
旁及也書以為小學古訓首之以成儀範動作之則次之以  
處執事飲食衣服之宜又次之以灑掃進退應對之節皆以  
立教故身端其本也知敬身則可與適道矣故明人倫次之  
人倫既明斯可與語弟子之職故入孝出弟謹行信言汎愛  
親仁又次之行有餘力則以學文故學文又次之學文則六  
藝可通故以禮樂射御書數終焉凡纂集古訓貫串成章不  
復識別者便訓習也篇終引詩書傳記者明本旨也如  
將適舍求毋罔之下垣將入門同執存二語此類皆本儀禮  
經傳通解亦朱子之教也不知而作以取罪咎則予豈敢正  
德辛未正月後學嶺南黃佐書  
子小學繁而詳泰泉古訓簡而要惟其繁而詳也初學之士  
遽難以求通惟其簡而要也幼穉之童亦可以通讀使自八  
歲初學時即讀是小學古訓以養其德性以覺其知識以建  
其趨向而又讀朱子小學山是而土之則德業廣而大學  
之成功亦庶幾矣晦菴之作小學泰泉之集小學古訓多  
於禮記儀禮等書如陳氏濂汪禮記天台陳先生汪小學  
非蒐輯羣書採取格言而任之者予於小學古訓題標疏二  
陳氏之註釋為是集  
解亦以便訓蒙爾



明黃佐撰

阮通志

理學本原

自序畧曰予親學廣右之明年輯理學本原成或曰子之教人明倫以邇求也茲上達之說也何居予對曰大學之教心而已矣天下有邇於心者乎心也者統性情者也詩也音道性情者也禮也者木性之中者也樂也者宣性之和者也故日興於詩立於禮成於樂於斯三者時以教之藝以息之與於藝則樂存於情斯適焉教者長善學者相觀而善善則性斯存焉性存則心非有所閑而自不放是三王四代之所為教也周衰教弛夫子陳大學之經而曾子衍之明物則誠好惡以至於正心而猶戒辟之為害國既治矣猶曰辟則為天下侈言若此其嚴也蓋約情以反之性也夫子沒後益弛子思有憂之而中庸作存誠之功無間可容息者其始法天而性既也配天言若此其人也蓋養性而達之精也孟子於情之詳也蓋其傳也由秦迄宋夫去夫子益遠而教入已施於是周程張朱子者作其書性益詳其意則由曾子子思孟子窮理盡性以至於命其大端易乎太極圖言二靜通書言誠性也中以原和也定性書言無所進內外而用功自忘怒遷怒則致和之功也過貳則不能性其情不貳過則致中之一功也於圖書物矣世疑周而信程焉何哉乃若西銘明理出在人則渾然一理健順五常之德存焉反身而誠太極在

我矣西銘之後附以正蒙程朱語錄亦採摘以附其後蓋是以爲教其究非特藝焉而已也吾懼各理之日晦也蓋觀乎或源焉或委焉委本於源故祭川先河而後海焉則天下之言理也委固自其發哉或曰五子者嘯言多攻之闕子之論羣疑乃今釋矣盡傳

婦訓一卷 明黃佐撰 明史志

自序畧曰婦訓胡爲而輯也成於朱子之意以教內治而正風化也三代有道之長莫如周而風化之美亦莫如周觀諸廟風家人婦子驪然有恩秋然有禮實二南之權輿也及文王作后妃之德章于關雎樂而不淫哀而不傷其性情可謂中和者矣而勤儉孝敬身以先之女順既修逮下仁厚至有麟趾之應焉若姬之錄八百餘載劉向列女傳述其末俗淑慎貞潔代不乏人而儲田畝爲酒食治蠶績供衣裳以盡孝敬咸不淪乎其初肅雍之澤何其久也無亦婦教所詔感發薰炙悠遠不衰之初肅雍之澤何其久也無亦婦教所詔感發女誠溫公家範諸書惜其不及刪述與小學并傳宿爲闕典子乃輯此書以內則典禮詩傳爲主而列女傳女誠家範皆採焉一曰內範二曰昏禮三曰婦德四曰婦言五曰婦容六曰婦功七曰孝順八曰貞節九曰相夫十曰教子爲女爲婦爲妻爲母之道畧在是矣名之曰婦訓者庶使女師教之婉婉聽從習與性成必能修德宜家臨難守節於關雎麟趾之意或小有裨云 梁有譽後序畧曰秦泉先生轉內則而讀

及列女傳諸書為姆訓一卷渠堰渠括芬面比之攢植藏結  
離而同之粲然可睹弟子有舉因請刻焉遂序諸簡末曰古  
者女師之設居有阿保之訓動有環佩之響目不接塵曼之  
色耳不入要妙之聲于時風化休和而聖人刑于之化行於  
四海難間巷之同婦人女子咸能誦述先王行誥懿矩居家  
臨難無爽女貞教之素也陵夷於後世姆訓寢息而正家之  
道缺然不章逸樂驕奢遂至蒙昧訓典嗤鄙蠶織蘭茝薰木  
本之端中何芳之存由是冶容譎而女德泯焉潢盪生而淑  
哲鮮矣聲伎陳而邪僻作矣先王流風餘韻蔑如也豈不痛  
哉先生行純聖則學窮道奧覃思六籍諸所著述必求切於  
用以誨乎世之人若是書則不必自為論說據經傳箴史以  
為鑒式遠紹前賢之意近裨神今日之化實有戚然不能已者

敷教錄一卷

明黃佐撰

志云附見詩傳通解後

祝

庸言十二卷

明黃佐撰

明史志

李義壯序畧曰同年黃學士泰泉先生庸言十有二卷余得  
而三復焉近之乎一心遠之乎四海微之乎鬼神顯之乎禮  
樂罔不悉備可謂至大者矣然始於宏乎天則一而大終於  
畏乎天則大而一孔顏正脉其在茲哉世之講學者不曰先  
立乎其大則曰勿忘助之閒不曰致良知則曰理明而義集  
天理先生合四者而貫之立大必先事乎一則理明而義集  
是謂皆備於我而知至知至則隨所意欲莫非天理自敬而  
至於誠矣是其涵養即所以為學者也豈不易簡而無支離

之病哉先生夙稟睿哲志學之在淹貫經籍一變至道醇如也或曰吾聞王梅溪爲宋太子詹事人說其迂闊不切時務惟朱子初其光明正大疏暢淵達無有隱蔽先生似之余曰彼庸陋之爲烈也先生仕宦四十載安貧嘉遯得顏子之樂焉氣陋巷一匹夫耳當時如晨門荷篠之徒能不改其樂者何限夫子皆不之與而獨賢顏子及其問爲邦則告以四代禮樂而孟子則以爲與禹稷同道此又何從而入矣其爲此編題生者獨觀其所自樂則先生之道常道天之道亦常道也卽一曰庸言者庸常也聖人之道常道天之道亦常道也卽一可以澤四海舉禮樂可以質鬼神一中庸而已耳而人鮮克舉之故曰中庸不可能也此所以爲先生希天之學也西庫全書提要要編乃其致仕後講學語錄分學道修德求仁游藝制禮審樂政教事業著述象數天地聖賢十二類

家訓二卷 性理指歸六卷

國朝毛天辨撰 祝志

小學集註讀本

國朝毛天辨撰 同上

忠經註

國朝麥人龍撰 阮通志

研精錄二十卷

按祝志入四書類引本傳謂人龍平生於四書尤所究心著有研精錄二十卷蓋蒙上四書而言云云

今按視志所謂本傳者乃張府志傳張府志以所精錄與植槐堂文稿並列則非蒙上四書而言可知且

書名又不題四書研精錄茲仍從阮通志列入子部

國朝鄧允恭撰 祝志

廣治平略一卷

國朝李雋撰 張府志

聖學蒙筌二卷

經用全書二十六卷

國朝李觀永撰 觀永字邦士附貢生 祝志

永思錄一卷

國朝黃培芳撰 採訪冊

方龜武序曰詩曰永言孝思孝思維則人能永其思於孝斯可謂善用其思矣而猶不可謂則哉禮曰先人無美而稱之誣也有美而弗知不明也知而弗傳不仁也是皆未嘗思者也翼堂先生累世積德一門雍睦其嗣君子實縷述纂詳輯為永思錄一帙將觸目警心并示諸同志而又以遺之子孫也子與子實交最深每以不及見先生為憾而猶得常侍辭孺人年踰七十而道其生平姑婦夫妻子母兄弟妯娌之事歷歷不遺今子實之所述者皆子昔之所聞者也先生職不遇一命任不過司鐸而居家克盡孝友睦姻之道居官則盡善教善政之誠求之當世士大夫蓋亦罕見其人也所謂為倫類中所當行之事作天地間不可少之人先生其實踐斯言哉至於儒人勤中績修內職其事太孺人則為孝婦其相

先生則為淑配其撫育教訓猶子與諸子也則為賢母逮於內外九族之親不問開言然則証與不明不仁吾於茲編而信子實之必無其失也

粵嶽子二卷

雲泉隨札二卷附錄一卷

國朝黃培芳撰

儒林錄約刻四卷

國朝黃培芳撰

俱同上

自序曰儒林錄者雲間張北山先生所輯先生康熙時人朱竹垞中表弟子也先生纂輯伏羲以來至宋五夫子吾道一脈相傳者編為傳道錄復上起春秋下迄明季選理學諸大儒純粹要語足以羽翼吾道繼往開來者彙為儒林錄所輯吾粵明儒先祖雙槐粵洲泰泉三先生與焉培芳從守拙兄處得道傳錄二十卷儒林錄若干卷其儒林錄祇有粵洲明儒蓋先生至粵時閱歷未全之木也因念全書浩大竊取數典不忘其祖之義列三先生自為一編是為約刻並附文裕公所撰郡志自敘先世行狀於後以見三先生以上家學之淵源俾吾族子弟得以自勵并廣其傳於世於吾人學術似不無少助是刻雖約不可以已也夫

論俗編

元縣尹左祥撰

附錄

申志

右儒家類

堪輿闢徑集四卷

明李秋撰

祝志

喪葬記

國朝高鼎撰

暴志

算林必法九卷

國朝劉昌言撰昌言字叶禹山谿人此書以古法九章分卷其起例每能約言之門

便顯易切於實用  
有功初學祝志

圖書會要一卷

國朝何劍湖撰劍湖字濟川此書乃所纂錄印譜

丹元子步天歌釋

國朝何健撰

同上

羅經簡明錄一卷

相地要訣一卷

訪冊

國朝黃培芳撰

太乙經世合參三卷

國朝董通撰  
孟章小攬人布衣

案通字同上

右術數類

舉燭雜編

明黃佐撰

泰泉集

自序曰舉燭雜編何以名志諺也昔者郢人作書遺燕相方夜命左右舉燭因誤書舉燭舉燭非書意也燕相得書意之而曰夫燭在下則翳翳則不能分白黑在上則顯顯則十而見須虞賢者光明後偉固亦朝廷之燭也不可以不察也

是蓋效我之舉賢也人言之王王用其言舉賢而用之國以大治夫舉賢而國治固燕相之功以舉燭為進賢則非郢人之意何者郢人謬於言而燕相則善於意之也今是編也隨時紀事如古稗官而雜以少作詩文迨筮仕後則為紀事而已然詩而或謬於用韻文而或謬於用事論古今而或謬於趨向談道理而或謬於指歸如郢人者不知其幾也意之而善於為說者豈無燕相其人乎是固不敢必也

清署記言二卷 西塘彙刻二十卷 明何藻撰 暴志

筆記三卷 俚語一卷 國朝劉信烈撰 同上

三才要覽 國朝劉君彩撰 張府志

江皋漫錄 存愧錄 讀書摘要 國朝高琳撰 暴志

課餘雜錄 國朝劉毅撰 祝志

自警日記一卷 國朝趙元輅撰

禹陽銷夏隨筆三卷 德訓齋暇筆一卷 蕉窗暇筆二卷

通俗偶鈔一卷 客話隨錄一卷 今雨偶述一卷 對



牀雨話一卷

國朝李遐齡撰 俱同上

投閒雜錄二卷

中州筆記一卷

冊 國朝何文明撰 採訪

諸子粹白四卷

國朝何文明撰

白序畧曰夫諸子之書雖不足希蹤六籍然其於道也如屋漏之窺天然亦時有所見棄瑕錄粹雖爲四卷曰粹曰白者其義取諸淮南子俊語名章觸目累累畧與馬總意林相近雖異由博反約之義而亦披沙揀金之說也

隨見錄一卷

國朝黃紹綰撰

古語類編一卷

國朝黃大幹撰

虎坊雜識四卷

日下偶筆四卷

縹緗雜錄一卷

藤陰

小記一卷

困學紀聞十箋二十卷

香石山房叢鈔四卷

國朝黃培芳撰

嵩生自警編一卷

國朝楊維岳撰

煥譚堂雜錄一卷

國朝楊大垣撰

警心筆記一卷

國朝吳啓苞撰  
但同上

右雜家類

明千家姓纂十二卷

明黃佐撰  
阮通志

漱芳錄

明黃佐撰  
同上

自序畧曰韓昌黎以文章豪一世所作進學解自謂紀事必提其要纂言必鈐其元朱子之贊橫渠也亦曰精思力踐鈔契疾書古人之用心概可見矣不稽古何以證今不博聞何以求約佐旁覽載籍每境與意會輒手錄之積累既夥彙而成冊其綱有十曰經說曰史評曰子纂曰文要曰理學曰政規曰字義曰事原曰論括曰詩鈔凡若干卷題曰漱芳錄義取陸機文賦云爾

經史類林合編

國朝楊翹華撰  
字公蔚布衣  
採訪冊  
按翹華

右類書類

雙槐歲鈔十卷

明黃瑜撰  
明史志

自序曰儒者之學通古今達事變窮理盡性以至於命而已矣子質性疎魯雖頗嗜學然于道望洋殊未有得乃日事操

所談輒即抄錄歲自景泰丙子以迄於今四十年于茲而編  
 成焉凡聖神功德必書崇大本也人文典禮必書急大務也  
 天地祥雊必書期大化也經史異同必書決大疑也繁行美  
 政必書昭大節也異端奇術必書正大經也言今必稽諸古  
 言天必徵諸人言變必揆諸常言事必歸諸理此子著述之  
 志也自顧學識陋陋而擇焉而不精詞藻弱弱而語焉而不詳  
 括疎漏猶登山望遠而近不知毛舉細瑣猶入室觀近而遠  
 不察徒為飾轅覆瓿之贅物焉爾何足以闕疑多識不足於  
 也故昔者成式雜俎志怪過於齊諧宗儀輟耕紀事奢於白  
 帖然而君子弗之取何則多問不能以闕疑多識不足於  
 德故也今予此書得諸朝野與言必證以陳編確論採諸郡  
 乘文集必質以廣座端人如其新且異也可疑者闕之可厭  
 者削之雖參於性命之理若不足為畜德之助而語及古今  
 事變或於道庶幾弗畔云雙槐亭名在廣郡會城子解組後  
 栢息處也時宏治乙卯仲春黃佐書目錄後曰先大父長  
 樂府君蘊道立德思奮庸於時領薦後即挈家游宦十有五  
 年於外乃返會城以老故見問甚富然必參伍研覈歲增月  
 潤始成是編惟館閣一二事猶疑焉比佐蘇祿留院堂之  
 東一鉅幅屬鋪案讀雖吳元年緒墨完整如新因據而補之  
 武中科第及承樂初吉士姓名是也憶孩提時府君抱哺  
 且談輒先考退庭時問及名理神化按問語類諸書且  
 聞時事嘆曰寇賊姦尤難帝世不能無也然明良

率作修其木以勝之今也機軸轉移竟何如哉江湖之憂形諸抄中者深矣及佐七八於致以數與方名偶弄筆作河洛點畫見之舊從肩宇遂遺就外傳今恭問是篇音容如在感念罔極為之悵然因書目錄後以示子孫倘寶藏之因庫全書提要朱國領獨幢小品曰黃喻字廷美香山人景泰丙子舉人長樂縣知縣有惠政以勤直棄官手植二槐樹吟嘯其間自稱雙槐老人作雙槐歲餘即其本也所記武造成化中事凡二百二十餘條其於院事於院堂書麓中得吳元孫佐以春坊諭德掌南京翰林院事於院堂書麓中得吳元孫及永樂庶吉士姓名二條是也其書首尾貫串在明人野史中頗有體要

續輟耕錄一卷

國朝劉君彩撰 阮通志

右小說類

剛正黃庭經

明黃幾撰 秦泉集

黃佐書後曰神仙家書美止萬卷惟黃庭經其文高古寫自王羲之者獨得其宗惟以伏氣固精存神為王道流浮談養生皆未嘗及此舍根蒂而言枝葉不亦惑哉崇文總目云黃庭外景經詔天皇氏至帝嚳受道得仙事其書已亡陶宏景撰內景王經以為疏義乃妄改此本為外景以補亡書觀其大綱則上下前後之中惟堅內守焉豈外乎哉先君子所加

則正而會其要句析之精而守於一則浮談皆可廢矣老子不云乎多言數窮不如守中

南華碎繡一卷 鴻烈一羽類鈔二卷 國朝李遐陰撰

參同契彙要三卷 參同契摘要一卷 國朝黃培芳撰

右道家類

陰符經注一卷 校正火龍經十一卷 兵畧一卷 國朝黃培芳撰

水軍要略四卷 國朝楊文耀撰 文耀字熾軒布衣 按

右兵家類

良方偶存一卷 國朝黃培芳撰

右醫家類

鐫印要訣一卷 國朝黃芝撰

繪事隨筆一卷 碑帖偶跋一卷 國朝黃培芳撰 俱同上

右藝術類

集部

鄭愚集

唐鄭愚撰 遂初堂書目 鄭愚字云愚 詩文多散佚 不傳全唐文錄其潭州大馬山弘慶寺大圓禪師碑

銘一首

白雪齋稿十卷

宋楊幼行撰 採訪冊

龍眠遺草

元楊仲玉撰 同上

梅軒集

明歐觀生撰 暴志

雲嵐集

明容惕與撰 阮通志

敬思堂集

明楊餘蔭撰 採訪冊

臨流集

明徐觀撰 暴志

雙槐文集十卷

明黃瑜撰 黃通志

趙宏序曰文者道之用也人者文之體也地者又人之所攸鍾也扶輿清淑之氣蓄久而後發則必有名世者出乎其閒

焉達則輔翊昌期澤及天下窮則以其文鳴千萬世之久傳  
韓之而不衰此其關係豈偶然之故哉嘗觀乎昌黎山當  
有所待也廣之香山僻在海島汪洋渺瀰中有人居若蓬嶠  
然占地理者知必有文人在將與而其窮達則存乎天數而非  
人之所與者矣黃君廷美以鄉進士人太學實香山觀其  
抗疏於朝拳拳焉憂治世而危明主視韓蘇直節亦奚異哉  
一時名宰如王忠肅公輩皆稱其諒直可屬大事士子慕其  
風采者以大用期之惜其嘗與御史選沮不得拜竟拜縣令  
又沮於勢輒解冠而去此其窮厄視韓之貶陽山蘇之謫昌  
化又何相遠哉予與君締交京師者十餘年矣今予獲司憲  
節於君鄉君且遷居省城日相近也閑出其集以相示予得  
閱而味之詩則追步唐人清婉紆徐所謂窮而後工於君見之  
蘇而開闔張弛無不以明理練達焉所治體足以裨政吟咏性  
矣且其出入經史無以用之言也世固有以詩文名家者然學  
不足以諷諫信乎非無用之言也氣不盈而驕則必歎而吝驕則  
不足以輔志志不足則其言苟而流於詔君素馳直聲人將  
其言肆而失于狂吝則其言苟而深本之志氣形之詩文溫雅  
謂其殘厲不可犯也而涵養既深本之志氣形之詩文溫雅  
和平絕無狂詔之失文之體立而道之用在固相固者哉  
凡十卷以雙槐名者君志也君志欲比王晉公而期待其後  
嘗得之夢焉然則其窮特止諸躬而已是集之傳將使香山  
之名與昌黎偕山並稱於世不亦像贊及附錄一卷則佳之所  
右雙槐文集十卷先君編次而像贊及附錄一卷則佳之所

七誘一卷

明黃瑜撰

泰泉集

黃佐書七誘墨刻後曰博文而約之以禮多學而貫之以一  
此孔門正傳也先祖長樂府君發明作七誘唐子允傳書而  
列之以示博學知本者焉可謂有見也已曾子得孔門正傳  
也推之爲政悖典庸禮孝弟而慈自家而國天下治且平矣  
凡所援引皆詩書執禮子所雅言雖明堂辟雍之教化不外  
乎是然則約其博豈非一貫之道乎雖中庸言文王之所以  
爲文卽七誘之本旨也嗟乎學必博通六經而後能知本故  
書曰學于古誦乃有獲此仲尼之所以信而好古也今  
之空談心學以爲知本而蔽六經爲註脚者可慨矣乎

釣叟集 明盧淵撰 暴志

香山主人遺草一卷

明黃倫撰

採訪冊

按黃綸祝志有傳而其詩不載今遺草一卷乃其裔孫允中所輯僅三十二首末附陳獻章贈詩一首

粵洲集六卷

明黃敬撰

黃仁志

屈紹隆曰粵人書之精奧者以先生爲最



泰泉集十卷

明黃佐撰

阮通志

李時行序曰夫詩之道難言矣黃唐虞夏商周篇什華實彬  
彬遐哉邈難追矣暨漢始有五言魏晉之交諸體競彩咸陶  
靖性情創鑽文理寫玄黃之光魄鏤卉物之景象經緯其  
雲梁宋以來綺鷺風雅推準三百之趣圓備六義之旨辟諸  
升堂其亦庶乎循茲而降代益矩畧繁條弱植萎蕤附俗將  
謂豐耀前光而多謬來譏無貴乎覽焉我明膺錄御宇握珠  
照士文明會其極餘亘而彌昌筆區雲蒸藝苑霞蔚上世翔集  
發海嶽降神乃雋生我泰泉先生輝掩南禺鑒源涇渭之流反  
經史之國該鍊子集之術按響回生之路擇源湮渭之流反  
彼頽頽振茲洪響凡古章今律短韻遐篇總撮若千首策九  
代而驅執披四始而畫界拓西京而植幹憑建安而飛采銘  
治陶謝斷載殊途衙麾陳社隸走百氏故其情深而不說風  
清而不雜事信而不誕義直而不隨體約而不煩文麗而不  
侈可謂往材之金矩來英之玉燧矣行涵游官牘朽凋磨不  
海可謂往材之金矩來英之玉燧矣行涵游官牘朽凋磨不  
者能宣其音千里之駕御人能調其足爰輯舊聽警諸文梓  
沈衷臆說庸布泰泉先生岷山南海其持漢家三尺以監令  
晉歐楨伯曰泰泉先生岷山南海其持漢家三尺以監令  
功不在陸賈終軍下也願變樵結為章甫闢荒蕪穰於炎微  
洞譬之龍躍懸河鳳鳴阿閣輝映高絕信足接武昌曲江朱

錫邑曰嶺南詩派文裕

實為領袖功不可沒也

四庫全書提要此集乃佐官南京國子監祭酒時手自編定

門人李時行刊版於嘉興者也佐少時奇髫知名及官翰林

明習掌故博綜今古生平著述至二百六十餘卷在明人之

中學問最有根柢文章街華佩實亦足以雄視一時嶺南白

南園五子以後風雅中堅至佐始力為提倡如梁有崇黎民

表等皆其弟子廣中文學復盛論者謂佐有功焉其詩止屬

冲和頗見研練於時茶陵之陷將燬北地

之鋒方銳獨能力存古格可謂不失雅音

泰泉全書六十卷

明黃佐撰

同上

張璧崇象序畧曰泰泉先生黃才伯氏起家南海登進士第

被選入館詩文皆類出流俗蓋博極羣書而能反約於心故

發自由衷質鉅而力雄渾乎班馬詞章程朱名理合而貫一

蓋醇乎道者也吾楚張龍湖廖洞壘章內方三子者雖才氣

奇邁輒皆遜服焉子備員詞林得見所作與序庵李公皆其

羨以烏有道之言或有嫉之者遂外補督學比葉官監義其  
察交薦久之始起為宮僚尋擢嚴讀南緒院章云嗟乎道之  
流行天地間雖愚不肖亦知且能之何物弗由也易曰乾以  
易知坤以簡能民受之以生性本易簡擴而充之無所弗達  
匡濟時措靡有難事惟限於生性本易簡擴而充之無所弗  
而不作信而好古吾夫子之所以博而反約也顏氏好學而  
乎理者其惟循博約之訓與辟則殯焉博學於文知其根而

鴻之者也約之以禮歸其根則于花萬葉受澤而結實者也  
博而反約於心則視聽言動之中禮喜怒哀樂之中節義論  
經權之中道一以貫之而無遺矣詩文焉有不醇者哉世之  
序談明心自謂知學者每斥讀書支離以遠人爲道於戲信  
畔孔顏乃至是耶歐大任後序曰今海內學士大夫文章  
著錄者無慮千百矣率厄辭無當故實罕稽其建標獨謂力  
障橫流者功固不細或弗能原本六經故其言不雅馴每歎  
夫著述之難也泰泉先生集六十卷嗣子在中在素在宏刻  
既成大任歸自河洛俾序末簡嗟乎樞衣受業四十年於茲  
無所發明奚足以窺先生之蘊也夫仲尼不作著述誠難矣  
漢去仲尼不遠七十子之徒遺教未泯易詩書春秋三禮皆  
顧門師授高惠文景以來文章爾雅陸生新語賈生至言劉  
安鴻烈馬遷史記子政說苑次公鹽鐵楊雄大乎庶幾乎  
述也他如過秦二論天人三策長卿論意巴蜀莊助周旨進  
南趙錯實塞下之議吾正故弓弩之馭斯咸暮畫宗社施著  
合甲非經術之彪顯哉後儒高誦頓悟倏志系虛工尙稅文  
策駟靡曼志乎虛則見聞細習靡曼則懿實寡豈仲尼所謂  
論篤君子者耶今自先生集觀之其於陰陽律厯之變山川  
輿地之廣性命道德之原帝王經綸之業備於論著遜志好  
古日新富有聖以爲的道在人倫故恥於標立門戶心以爲  
師學宏天則故究於參贊幾衡蓋實信乎洙泗之寶學而發  
揮乎西京之鴻裁視乎虛靡曼之徒度越萬里矣惜品鉉未  
登著蔡已沒天不憖遺哲人其萎車服禮器故在精廡徒能  
與諸生說河東之篋而已先生所著又有樂典通應庸言類

陸小亭古訓婦訓詩經通解春秋傳意六藝流別革除過事  
翰林記南嶽志廣東通志廣西通志廣州志香山志羅浮山  
志不在集中百世之下論著述者於先生之書

可按賸矣小子謏劣奚足以窺先生之蘊哉  
阮通志云泰身集凡二其十卷之本乃佐手定詩集門人李  
時行序而梓之四庫所著錄其六十卷詩文全集則門人  
民表編次其子在素等刊行

九州問一卷 明黃佐撰 泰泉集

自題辭曰漢枚叔始作七發以諷諫吳王自後曹子建張景  
陽之徒皆然效之文勝質博溺心而無益於世者多矣唐柳  
子厚效叔作晉問以諷當世而陸道實然其體猶七也先大  
父雙槐府君乃作七誘示人文毋勝質博毋溺心蓋學貴知  
本之義佐不揣狂妄斐乃作九州問以諷諫天下之人俾自  
治其本云先  
乾元用九天下治也用以諷諫天下之人俾自治其本云先  
考當得東坡廣成子解以守一處和為要蓋佐自少多病領  
病後未能計偕閉門習靜因以守一自名荷與得自少多病領  
理矣自治以一而必適其獨其大學之本哉又曰人心危  
危即所謂感於物而動性之欲也子傾薦後書小齋左右曰  
主靜以立本慎動以安身南雄店主來迎意欲為子貨殖笑  
却其贊而謝之因觀水程自五羊至南京皆揚州境也由徐  
允達京師得售則志行矣嗟乎人惟能屏絕貨利聲色改操  
隱避而靜以復初則思慮不起鬼神莫知僊術弗能易吾好  
香山孫志 卷二十一 藝文 集部

咸武弗能屈吾守約沐泗經傳以輔皇極則事業章矣哉

兩都賦二卷

明黃佐撰

明史志

祝志云：纂志佐本傳有兩京賦一卷，疑即此。蓋據當時之稱，則名兩京。

據古稱則名兩都耳。今從明史藝文志。

粵會賦箋一卷

明黃佐撰

國朝何健箋

祝志

江石集

明余光裕撰

阮通志

岐洲集

明楊裴撰

採訪冊

介景堂文集

明何述璜撰

張府志

普甯宦稿三卷

龜斯集二卷

明何藻撰

纂志

西湖集

香山集

明楊克修撰

採訪冊

建霞樓文集十卷

詩集二十一卷

豐羽齋稿

南沐齋

稿 北舟小草

明李孫宸撰

祝志

陳仁錫書後畧曰：吾師山嶽品也。翁河度也。龍光壑也。峻絕拳踞之維，而中懷惟恐不盡。自禮閣分校，成均德造，庶常訓。

迪皆力挽浮靡思得寧靜澄明之士與共持風教示人易示人簡示人超然無欲之文心故其文沈雄奇奧如大華之峯非神工可削矢為詩歌蹟盛唐追雅頌莊讀之和平之心生靜對之名利之腸去也

元氣堂詩集三卷 阮通志 元氣堂文集三十卷 中麓

閣集 雲笈軒稿二卷 明何吾騷撰 阮志

懷仙草 零樂林草 明伍瑞隆撰 阮通志 阮志云瑞隆所居初居檮櫟社後離合其文攷曰零

樂林見白序

臨雲集 辟塵集 金門草 白榆草 石龍草 賦草 明

瑞隆撰 景志

遊梁草 鐵遂草 鳩艾山近賦 少城別業近草 明伍瑞隆撰

志 祝

桐封集 游五岳集 明盧兆龍撰 阮通志

楚臺集 明楊應昌撰 按應昌字定宇廩生 採訪冊

五痴集 遊仙草 明楊守清撰 按字清 採訪冊

獨樂堂集三十卷 明李謀士撰 謀士字 安國諸生 祝志

玉臺稿 明李權仙撰

醒醉詩草 明李果奇撰 俱同上

紀漫草 續漫草 明區大綽撰 阮通志

何慕臺遺稿 同上 驚賦樓集四卷 明楊晉撰 採訪冊

嶺南五朝詩選曰晉字子畫貢生官兵部司務旋致仕歸養

棕山詩集一卷 國朝何準道撰 準道字旦兼吾駒子崇禎

志 祝志云準道於康熙癸丑猶與修邑志而暴志採訪冊

元英閣稿 國朝何準道撰

越巢詩稿二卷 國朝何準道撰 阮通志

百城堂詩集一卷 國朝楊思誠撰 張府志

已園草四卷 似痴集二卷 小山詩草二卷 朝陽草六

卷 國朝楊左撰 採訪冊

梁圓嶠詩文集 國朝梁雲扶撰 阮通志

敬義堂集十卷 國朝毛濬撰 同上

瑞齋詩集二卷 國朝郭大年撰大年字叔瓊諸生 祝志

西園文集 國朝楊十朋撰 同上

甯遠堂詩文集六卷 國朝李孔昭撰 纂志

研朱堂詩集 國朝麥天縱撰 張府志

獨寫堂集二卷 南塘漁父詩草二卷 國朝何斌撰 阮通志

振綺堂集 國朝劉世重撰 張府志

奇陽漫稿 國朝高翀撰 纂志

布帆草 度嶺吟 宣陽紀 大鴻集 國朝楊世德撰按世德字江度諸生



冊採訪

儀式堂詩集

國朝廖棟選撰 張府志

白雲小草一卷

隴吟集一卷

國朝楊芳遠撰 採訪冊

大小山房詩文集

國朝毛德華撰 阮通志

毅齋詩集一卷

國朝楊瓚撰 採訪冊

露香閣摘稿二卷

露香閣二刻二卷

阮通志 國朝楊錫震撰

顧茂倫云寶生沈酣典籍陶鑄子史賦序諸體皆以漸瀚之才錘鍊出之遊覽贈答繪物肖形舒情繼絳溪宏興忽離奇精警自開疆畛不荷杜撰

直菴詩賦二卷

運米詩集一卷

歸來吟七卷

信烈撰 國朝劉

志纂

不解堂詩集一卷

國朝何鳴西撰 鳴西字 國朝禮部儒士 祝志

秋湘堂詩集二卷

國朝李鐸撰 同上

二槐亭詩集一卷

國朝楊涵撰

按涵字凝叔布衣採訪冊

策筠詩集六卷

策筠文集四卷

國朝梁金震撰阮通

張大受云容洲詩變化自然體質都雅然物外

樂汕詩草二卷

國朝鄧允恭撰

祝志

缶鳴集

國朝楊屏撰阮通志

樂天詩草二卷

國朝鄧允中撰

祝志

博齋遺草一卷

國朝楊溥撰

按溥字命叔諸生採訪冊

深柳堂詩集

國朝李卓揆撰

祝志

鶴情堂集

山陽近草

十九秋集

國朝楊芳洲撰芳洲字蘭度諸生採訪冊

冊訪

敬菴集

國朝楊璫撰侯度諸生同上

按璫字

長春集

國朝梁官捷撰

纂志

寫葉山房詩草

國朝何似權撰

祝志

逆旅山房詩

國朝何積撰

同上

李茂觀詩集二卷

文集二卷

國朝李韓撰

暴志

繆西冷集

雲蘿洞集

七峯唱和集

南岳紀遊集

朝陽

將鳴撰

祝志

雪溪詩一卷

國朝劉君彩撰

張府志

麗水集一卷

國朝楊槐撰

按槐字

迴溪文集四卷

國朝鄭天輔撰

祝志

涿屋詩文集四卷

國朝韋易撰

同上

存齋文稿六卷

存齋詩刪二卷

國朝李雋撰

張府志

九峯詩文集十二卷

國朝楊簡撰

祝志

玉秀堂集

國朝劉桂撰

粵東詩錄

祝志云桂字香長

德聚堂稿

國朝楊珽撰

按珽字英度布衣採訪冊

小香亭稿

宦遊草

國朝李修疑撰

祝志

藥圃遺草

國朝何世麟撰

粵東詩海

鳴盛山房詩集

國朝李捷

章撰

採訪冊按捷章字勉村

慎獨堂集

國朝劉翰長撰

阮通志

按

彭詩云墨莊為各家子學有淵源少即以詩名平生遊跡半天下聞見復廣而乃欲然自下觀其集中苦吟句云只堪獨自成詩癡萬不能追到古人議抑若是其學力所到可知矣何力齊云慎獨堂詩羅石湖稱其古今體皆能追蹤古人格高律熟有才情而不泥於氣有風致而不傷於境時以為然

層巖文集

國朝麥密撰

張府志

介英堂集四卷

北行草二卷

國朝高肖撰

阮通志

東山詩草四卷

國朝梁天任撰

天任字純遠諸生祝志

瓶沙堂詩集六卷

國朝何大佐撰

阮通志

拙軒詩草一卷

國朝李嶠撰  
字尊山貢生  
祝志

鳳軒遺草

國朝楊澗撰  
字桂叔布衣  
按澗

耐園詩集五卷

國朝李炳剛撰  
字湛然諸生  
祝志

余濟寬詩草

國朝余樺撰  
有餘海余肇詩附後  
此卷

松崖詩集四卷

國朝劉鶴鳴撰  
一卷乃詩鈔非全編  
阮通志作

楊瑞序畧曰劉子松崖之在禮也文采風流沾被一時詩不多作然每一篇出遠近傳誦如拱璧今讀其詩絲情指事因物寓懷雍雍乎冠裳委佩之容輕雲霽月之狀也閒有憂幽次瘳之章而皆深自引咎蓋其所養所學積數十年如一日吾謂松崖之詩窮亦工不窮亦工也

青羊草 中陵草

雷陽草

國朝郭德鉅撰

鼓腹樓詩草

國朝鄭作邦撰  
俱同上

仰山堂遺集三卷

國朝黃紹統撰  
阮通志

方繩武曰吾邑詩人自前明黃泰泉首創宗風實為中聲正軌憑此則李尚書孫宸廷霞樓一集亦得就坤清氣近世劉

松崖以遷謫之餘作為詩歌沈鬱頓挫可以起衰式靡要之  
中聲正軌足繼秦泉者其翼堂先生乎先生為秦泉弟孫其  
家學淵源  
有自來也

珠崖集一卷

國朝楊王峯撰 採訪冊

鑑湖詩草

國朝何澹撰 採訪冊

化池詩文章

羅陽讀志草一卷

國朝何大鯤撰 祝志

怡心亭集八卷

國朝鄭達撰 阮通志

溪波樓稿

同上 惠遊草

國朝麥佑撰 祝志

鼓山遺稿一卷

國朝楊大觀撰 採訪冊

凌青堂詩草二卷

澳門遊草一卷

國朝邵最撰 祝志

來青閣草一卷

國朝麥惜撰 粵東詩海

自序畧曰乾隆壬子館於西峯之來青閣山深林密座  
事頗稀因取舊稿刪定名之曰來青閣草紀以地也

作是堂草

國朝麥近撰 祝志

石綠詩鈔二卷詩餘附國朝陳官撰官字

也愚詩鈔一卷國朝楊觀鳳撰按觀鳳

黔蜀吟一卷國朝詹官撰祝志

桂峯集國朝楊大田撰按大田

松谷詩鈔一卷詩餘附國朝黃沃撰身東詩

方繩武題辭曰松谷子於翁覃谿先生校士時以古學受知

東樵刪餘集二卷國朝何景撰阮通志

有巢集二卷國朝何景撰祝志

澹岡詩鈔國朝何景撰祝志

百花村小草國朝何景撰按

二思齋文集五卷二思堂詩集六卷國朝何文明撰

拾月山房遺草國朝李蘭撰若蘭捷章子方繩武云

印月堂詩鈔

國朝黃澄漢撰澄漢字清卿職監

大居詩稿一卷

國朝詹思敬撰

毫穎二州詩草一卷 公車北上詩草三卷

國朝鄧熊撰

思過堂詩集一卷

國朝何梅撰梅字俊人監生俱同上

湖州集

國朝楊太薇撰按太薇字紫仙諸生採訪冊

楚遊草一卷

國朝黃沃棠撰沃棠字蔭方諸生嶺海詩鈔

方艷武書後畧曰蔭亭茂才胸中浩浩落落無塊壘無城府以酒得天其性情氣概超拔流俗且胸懷經濟有非迂儒庸士可企其萬一者讀楚遊諸作可以見其人矣

撫睡吟草一卷

國朝黃紹庭撰祝志

四百山樵詩草一卷

國朝何士欽撰士欽字敬中諸生

辦香偶存詩集一卷

國朝何廷夫撰廷夫字振藩監生俱同上

亦人軒集

國朝楊嗣雄撰按嗣雄字慕舜諸生採訪冊

香山系志卷二十一 藝文 集部

四



一瓢集一卷

國朝鄭徵典撰徵典字倫若監生 祝志

上淵遺草

國朝鄭鵬圖撰鵬圖字上淵 同上

藏香小院詩草

國朝何履泰撰履泰字際亭小隱人諸生 嶺海詩鈔按

可權書屋遺草一卷

國朝鄭齡撰齡字永年職監生 祝志

強維屏詩人微畧曰夢九詩雖不多然即詩可以見其人洵屬有用之才惜乎其年不永不獲兄用於世也

容膝軒遺草一卷

國朝方世達撰案世達字兼中監生

雲千詩集

國朝楊烏撰案烏字少蓬布衣 採訪冊

迪亭遺草

國朝蔡化撰 祝志

樹敏齋詩鈔

國朝楊廷植撰按廷植字學周諸生 採訪冊

慕劉文稿一卷

國朝何健撰 祝志

風佩軒遺草一卷

國朝方天根撰 阮通志

七峯第一峯堂詩集

國朝方繩武撰 同上

寄櫛詩鈔

紀遊詩草

國朝何華臺撰

祝志

勺園詩鈔四卷

續鈔二卷

十國雜事詩二卷

五代史

雜詩二卷

勺園詞鈔一卷

國朝李遐齡撰

蔡節曰戊申之春子應竹林彭明府聘薄遊鐵城菊水方極  
片跡里選近舟中談詩達旦歎曰此今日南金東箭也遂訂  
忘年交菊水錄其所作示余一洗近人習氣俗習氣字字  
皆本性情而出深喜青蓮一燈於茲未墜云方天根曰吾  
邑自泰泉先生以雅正之音提唱嶺表宗風斯在後有作者  
鮮能繼之而吾菊水有意私淑厚力於此得其敦厚之旨而  
不必襲其貌焉詩外有事詩中有人予烏測其所至哉劉  
鶴鳴曰循讀容安堂稿不名一家由唐宋上溯騷雅原本忠  
孝而大致以陶社為宗讀其詩而性情學術具見同不徒以  
詩自鳴也黃丹書曰余初觀菊水詩詫為異才後每相遇  
縱談詩學淵源多出人章表因窺其全行詩而賦道而不  
深得古人奧味張炳文曰鋪觀集中諸作凡屬芳場正  
渾冲澁之出於自然者要皆從饒道既深閱  
物益眾句暇字鍊指肺饒肝而成之者也

松溪遺草

國朝李請元撰

李遐齡序畧曰從弟吉士性嗜酒和不忤物然閒靜寡交遊  
人罕識之三娶皆悼亡鬱鬱不自聊辭輒長吟以寄意家甚

香山系志

卷二十一 藝文

集部

七

貧而親歿殯葬拮据事皆獨任雖有兄不以相讓也撫仲兄孤女而嫁之其孝友有足多者遺疾奄逝年甫五十有松溪詩草其詩澗然以清岸然自喜時有遠致今梓付勺園詩鈔後此其豹之一斑也

壽溪詩草一卷國朝毛夢九撰

檀齋集國朝楊渾仲撰

來青集二卷國朝劉錫撰

曉夢樓小草國朝高飛龍撰

聖泉偶存詩草國朝李必達撰

悟愚詩草國朝劉權撰

見山堂詩稿國朝麥莊撰

文洲小草國朝楊岳撰

聽春樓詩鈔二卷 春秋佳日詩鈔一卷國朝劉嘉謨撰

葆真堂詩鈔國朝唐步蟾撰

半農山莊詩鈔

字耀三倍子 國朝麥在田撰 在同上

湜池詩草一卷

國朝黃紹楨撰 採訪冊

臨谿文集四卷

續集四卷

國朝黃大幹撰

許乃善序畧曰嶺南黃臨谿先生當代隱君子為吾粵名  
子從兄普侍吾師側聞先生之風則心向往之今獲讀其文  
鈔初集所謂不為富貴貧賤憂其心而原本六經灼然上下  
古今千百年盛衰治亂陰陽消息之理者先生其人也與  
應達序畧曰臨谿文變格甚正意好論史而核實說理無勾  
章棘句之習又不屑屑於字法句法求工殆不愧儒者之文  
所未發出筆廉悍似半山氣骨堅橫時近于固皆有建之者  
書澤堂詩草二卷 國朝趙允著撰

芙蓉湖遺鈔

國朝楊作朋撰 按作明字枚及監生

虛谷詩鈔二卷

國朝黃謙撰

皮揚藻嶺海詩鈔曰黃謙字子牧培芳兄諸生著有虛谷詩  
鈔爾雅箋畧等書 黃培芳香石詩話云從兄虛谷先生為  
人孝友冲和廉隅自 肅韻語能自寫襟懷

希古堂集

國朝楊廷柱撰  
廷柱字致林布衣

按

淡泊軒文稿二卷

淡泊軒賦鈔一卷

國朝黃謙撰

瑞谷詩鈔二卷

國朝黃芝撰

黃海詩鈔曰黃芝字子能香山翼堂先生伯子著有瑞谷詩鈔粵小記方繩武云瑞谷之所以究心者不在乎意句詠詠之末有得於身心性命之厚故語皆得遠不規規古人門戶而未始不與古人相合

粵嶽山人集

國朝黃培芳撰

張維屏序畧曰山人為文裕公裔孫學有淵源其為詩不逞才華而本諸性情深以法度其為文不設間架而蘊之為有川之言

嶺海樓文鈔十二卷

國朝黃培芳撰

陳在謙國朝嶺南文鈔小傳畧云香石富於著述其家集有嶺海樓十種所著古文具有根柢予從其草本約錄若干篇以見豹之一斑云

嶺海樓詩鈔十二卷

國朝黃培芳撰

惲敬序畧曰聖人之道惟爲儒者可言詩三百篇爲體不同  
合之易書禮諸經其義無以異也後世爲儒者詩多賁勝文  
詩人則文勝質每家遂不能相通今子實世爲儒矣而詩又  
善詩人之詩也由於其爲學也儒與詩分而習之故其爲詩  
非猶夫爲儒者之詩也姚瑩後序畧曰香石儒者也其於  
修己治人之功講之切矣此豈可以詩人目之哉夫香石生  
平之所命雖不知較李村白陸諸公何若要其講求道義  
然有入心世道之憂不可謂非有心之士矣世徒稱其詩將  
謂香石以詩人成名豈吾之所以爲香石望者哉不得已  
而以詩稱亦知吾所謂不惟其詩惟其人者然後可也

嶺海樓尺牘偶存二卷

國朝黃培芳撰

月山遺草二卷

國朝黃照文撰

嶺海詩鈔曰黃照文小字月山香石次子嗜山水喜吟咏有  
父風著有月山遺草氣格直迫老蒼乃未弱冠而逝世比之  
華亭夏存古云

銘心書屋詩鈔四卷

國朝蔡顯原撰

陳愷書目錄後畧曰蒙泉先生敦篤孝友天性過人讀書求  
實用尤留心於水利海防生平以經濟自許乃六上公車不  
報曉就教職非其志也今讀集中懷古論史山川形勢諸作  
足見其鴻才卓識匪僅以五七字爭長於韓白蘇陸閒者原

稿二千餘首茲約刻

八百篇餘俟續刊

修竹軒詩草

國朝黃應奎撰

星郊詩草一卷

國朝何守謙撰 俱同上

叢書閣遺草

國朝鄭丙昌撰 張維屏詩人徵畧

剛存稿一卷

賦鈔一卷

國朝陳士龍撰 採訪冊

小眠樓吟草一卷

國朝劉董正撰

枕蓮吟館詩存二卷

國朝黃廷籍黃廷昭合編 按廷籍字西山廷昭字萬青

張維屏詩人徵畧曰西山封翁夙工制藝蜚聲庠序屢膺薦  
闕中年謝世士論惜之萬青工吟咏善鑒別金石書畫

曉松堂詩鈔四卷

文詞鈔各一卷

國朝李璫書撰

田門詩草一卷

國朝黃允中撰 按允中字景祥城內人附貢生

三餘堂詩草一卷

國朝黃和衷撰

藉藍詩草一卷

國朝何守謙撰 俱同上

公餘詩鈔

國朝方雲龍撰 詩人徵畧

詩人徵畧曰雲龍工詩於書史及唐宋諸大家詩集無不博覽尤愛白香山袁才子詩師事方子谷先生師弟稱莫逆

蒲山詩草一卷

國朝梁尙舉撰 採訪冊

雀環堂集

國朝楊文煥撰

六有軒詩草

國朝何朝佐撰

詩人徵畧曰君為人宅心醇厚處事精詳其為詩抒寫性情不必雕章琢句刻意求工而雲在水流時有陶然自得之致

樂最堂文鈔四卷

國朝何日愚撰 俱同上

假山詩草

國朝何其琬撰 詩人徵畧

證真畫室詩鈔

國朝陳子清撰 採訪冊

桂園詩草

國朝何其璫撰 詩人徵畧

榕塘詩鈔一卷 羅浮游草一卷

國朝鮑俊撰 採訪冊

黃鶴賦序曰嶺海之曲有詩隱焉託松桂以長往輕軒冕而不事羣身處園圃而志成邱壑於是余乃得一造其廬而飲



焉所居曰榕墟吟館 詩人徵畧曰君行草及學篆大字靡  
弗工末書者踵相接君詩工詞工畫工制藝尤工然非徒諸  
藝之工也君  
性尤孝友

世貽堂詩二卷

國朝何瑞齡撰

嶺海詩餘曰學有本源故論有根柢其旨溫以厚其詞  
麗以則 張維屏云論古有識而筆力健舉足以達之

鳳覽山房詩草一卷

國朝何沛雨撰 按沛雨字  
灌霖小澣人監生 俱同上

蓮亭詩鈔

國朝何紹元撰 詩人徵畧

松菊山房詩刪八卷

國朝何時秋撰 按時秋字  
汝成小澣人布衣 採訪冊

不寐齋詩鈔

國朝何天衡撰

愛閨道人詩草

國朝何耀現撰

緝柳山房詩集一卷

國朝何朝組撰

存誠齋文鈔十二卷

國朝何日愈撰

朱蘭序畧曰先生抱經濟才少日讀書研究經史尤留意於  
諸畧集中於論蜀西南微地理民俗指畫大勢籌所以爲家

而絕後患者慘慘三致意焉 莫友芝序畧曰其邊事書  
得遠見擬治安之要其綏遠策曰摩手驗洞弭患之根其議  
治河必極本末之善其講武備必盡  
水陸之精皆言必可行行必有濟

餘甘軒詩鈔十二卷

國朝何日愈撰

王相心序畧曰全稿五古樂府追蹤兩漢而入其堂與七古  
歌行如風掃殘雲馬迅利無前擲地金聲手也至涉邊陲蠻落  
者尤為雄傑他流連贈富皆直舉胸情不絲雕飾蓋意氣之  
豪邁俊偉畢見矣 莫友芝序畧曰餘甘軒集其詩得力在  
蕭陸以上下古今作者其一種遙情傑思益  
然流動行墨間則餘甘之直處必傳無疑

北潛詩草誦芬集二卷

字伯廉 國朝文肅字硯農遐齡子俱 諸生

石佳詩草一卷

國朝黃曠撰

林國遺草一卷

國朝方師訓撰 按  
師訓天根子諸生

位思室詩草一卷

國朝吳啟苞撰

蘇蘭吟草一卷

國朝黃春培撰

四鄉吟館詩鈔一卷

國朝李羽仙撰

怡如書屋詩鈔一卷

國朝吳天炳撰

綵萼仙館詩草一卷

國朝吳亮挺撰  
按亮挺字敬卿翠微人諸生

青縑書幌詩鈔一卷

國朝李光堯撰

八娛詩草一卷

國朝陳饒俊撰  
按饒俊字界雯小黃國人諸生

凹碧山房詩草一卷

國朝陳潤書撰

涉趣園詩璞二卷

國朝何日恩撰

憬三餘齋詩草十卷

國朝鄭惠南撰  
按惠南字翼嚴東門人廩生  
但同上

杏林莊草

國朝鄭大林撰  
按大林字卓茂小憊人  
李長榮柳堂師

聊中隱齋遺草二卷

國朝劉其政撰  
採訪冊

研露書屋詩鈔

國朝何紹祥撰  
按紹祥字承端小憊人

笏山詩草

國朝吳建業撰  
按建業字少舉東門人布衣

拳石山房詩草

國朝何雲卿撰  
按雲卿小憊人

六樹園館詩鈔一卷

國朝毛鶴翔撰 按鶴翔字雲侶城內人諸生

巢松書室詩草一卷

國朝鄭鏡清撰 按鏡清字石濂基邊人布衣

月湖詩草

國朝李鑑芝撰

心若詩草一卷

國朝鄭鏡泉撰

韋菴詩草

國朝李龍躍撰 按龍躍字時五小攬人附貢生

何陋書屋吟草一卷

國朝劉炳宗撰

寶庭詩草三卷

國朝李從吾撰

澹菊堂詩文集二卷

國朝楊大魁撰

春珊遺詩

國朝侯植芳撰

四勿軒吟草

國朝何琛撰 按琛字西崖小攬人

居北詩草一卷

國朝李望展撰 按望展字居北從吾子諸生 俱同上

山右詩草

國朝袁果撰 按果字顏卿小攬人諸生

香山縣志

卷二十一 藝文

集部

巨

麻洲吟草

國朝陳孔佐撰 按孔佐字宏任南門人增貢生

退思齋雜文十一卷

國朝林謙撰

鶴樓詩草

國朝董瞿生撰 按瞿生字鶴樓小僊人布衣

蓮萼山房詩草一卷

國朝陳爲受撰

心如詩草

國朝陸如鑑撰

伯海詩草一卷

國朝黃鶴書撰 按鶴書小字伯海長洲人聰穎能文卒年僅弱冠

韜之詩草

國朝何炎光撰 按炎光字呈輝一字韜之小僊人監生

仁波詩草一卷

國朝李恩慶撰 按恩慶字仁波望晟子布衣

橋南寄廬詩草

國朝何逢初撰 按逢初字履端小僊人諸生

在園拙草一卷

國朝李之機撰 按子清叙子豁實庭師子少雋異詩學陶文學韓寇增憂感卒於潮

雲居閣詩存一卷

國朝黃承詔撰

一粟山房詩草一卷

國朝鄒汪漢撰

芥舟堂文集一卷 詩集三卷 國朝汪乘植撰 按乘植字廣容東門人諸生

寶硯樓文鈔二卷 觀自養齋詩鈔二卷 國朝黃承謙撰

凌莊詩草 國朝何雲從撰 按雲從字應龍小徵人貢生

惺惺齋詩草七卷 國朝李維屏撰 按兆祥字半南門人監生為建候補同知

百穫齋詩草一卷 國朝陳樹人撰 按樹人字百穫廬生

課花吟館詩草一卷 國朝劉沅撰 按沅字葵青東門人監生

毋自欺齋詩 國朝何瑞丹撰

一邱子詩草 國朝方守桐撰 按守桐字穉侯師訓子布衣

珠樹軒詩草四卷 國朝陳世撰 按世撰字想修南門人監生 俱同上

名媛

落霞山下女子吟一卷 明劉苑華撰 廣輿記列劉詩集云苑華香山入戶部郎何藻室

附志云謹按明史藝文志題劉苑華詩一卷

劉媛詩草

國朝劉玉貞撰玉貞信烈女鄭必達室祝志

謝庭詩草一卷

國朝麥又桂撰

何其英序畧曰孺人麥氏吾鄉茂才德沛公之女上舍何懷向之妻德沛公居常好吟咏孺人賦性聰穎幼受庭訓遂工吟詩長適懷向家徒四壁孺人提甕出汲甘與食貧懷向既歿孺人愈益困苦惟教授女徒資以糊口如是者二十餘年遇亦窮矣孺人役後余於其外姪繹武家閱遺稿幾近百篇擇其尤完善者若干首詞旨清朗音節和平雖處困極絕無哀痛迫促之響蓋詩教之正宗也余既憐其才復悲其遇不忍其終於泯沒因并數語付之剞劂道光二年立夏前三日芸香閣詩草國朝麥英杜撰英桂集後俱同上書室詩草附刻其妹又桂集後俱同上綠槐蟬吟國朝何彝官撰按彝官小號人何則修女家貧義親矢志不嫁採訪冊繡餘草一卷國朝方氏撰方氏鄭廷輔室桂盛園詩草國朝鄭佩明撰按佩明光祿寺署正附貢生劉藻榮室俱同上

方外

晚雲樓集

釋天岳撰 暴志見郭題詩

貫堂詩草一卷

國朝釋應鈴撰

採訪冊

隱泉詩草一卷

國朝釋惟勤撰

同上

縣令

附後

東巖集

宋洪天驥撰

申志

去去齋集

明蔡繼善撰

朱

海天吟集

國朝彭素撰

祝志

從征詩草

出棧草

過嶺草

嶺南草各一卷

國朝彭

同上

自序畧曰縣垂暑義塾先觀察樂為府君師授以詩弱冠遊四方亦閒有作不足存也壯歲照官初為南江教諭嘉慶元年以試事在閩城旋值巴州丹文領署其清等謀逆郡太守李公沈撥令隨營隨即率軍駐觀紫素凡七閱月賊始焚巢遁調運適賊賊張漢湖自漢中趨大巴嶺陝撫英公善駐保海飭令回任堵禦余匹馬從一僕走乳山中未及縣境而賊已峰擁而來巴州賊又自登山磨至前後路塞賊見余馬竟四面圍捕幾為所擒乃捨馬徒步移腹馳九十里始抵縣城



途申白骨得天烽火通地殆有不忍聞見者賊退與尹裴君  
良駁籌議募勇築寨各事宜甫竣又奉觀察李公旋撤調赴  
平梁城防守中閉血戰荒原星馳峻嶺甫視宏梁之粟又赴  
黃山之營所見無非駭目休心所聞無不驚魂動魄慨悲  
歌不能無作即不忍棄也迨後入蜀神京出宰春州以及  
從軍博惠其時郡無為而作及調香山值海賊猖獗往往  
侵入內河居人倉卒無備莫不震恐余親率士民築壘堅  
募勇實船前後擒獲千餘人並收降方安等二千四百名口  
賊始不敢內犯而外洋固自若也鎮日波濤終年緝捕其陰  
尤甚南江時紀事并懷亦不能已於作也乃自從軍巴州以  
及調香山時作樂為一編就正有道焉

右別集類

孝弟集

明鄭子綱輯

申志

六藝流別二十卷

明黃佐撰

祝志

自序曰問之董生曰君子志善知世之不能去惡服人也是  
以前六藝以善養之而各有所長詩道志故長於質書著功  
故長於事禮制節故長於文樂詠德故長於風春秋司是非  
故長於治易木天地故長於數人當兼得其所長是故舉其  
詐焉志始於詩以道性情為議為歌謠之流其別有四為吟  
為誦為謠為語歌之流其別亦有四為吟為詠為怨為歡其

物拘以爲詩也則爲四言爲五言爲六言爲七言爲雜言其  
難近於文而又與詩麗也則爲騷爲賦爲辭爲頌爲贊其  
事對偶亡復蹈古則律詩終焉書行志而奏功者也其源以  
道政事爲典爲謨典之流其別爲命爲詰謨之流其別爲訓  
爲誓凡典上德宣於下者也又別而爲制爲詔爲問爲答爲  
令爲律命之流又別而爲冊爲敕爲誡爲敎誥之流又別而  
爲諭爲賜書爲書爲告爲判爲遺命而問亦有不盡出於上  
者焉凡漢下情孚於上者也又別而爲議爲疏爲狀爲表爲  
牋爲啓爲上書爲封事爲彈劾爲啟事爲奏記訓之流又別  
而爲對爲策爲諫爲規爲諷爲移爲露布爲議爲責爲券爲  
誓之流又別而爲盟爲檄爲移爲露布爲議爲責爲券爲  
而別亦有不盡出於下者焉禮以節文斯志者也其源故也  
故則爲儀爲義其流之別則爲辭爲文爲儀爲銘爲視爲詛  
爲謔爲祭爲哀爲弔爲誄爲輓爲祝爲禱爲碑爲誌爲墓表樂以  
舞爲樂志者也其源和也和則爲樂爲樂均爲樂義其流之別爲  
唱爲和爲曲爲引爲行爲篇爲樂章爲琴歌爲瑟歌爲暢爲  
操爲舞爲春秋以治正志者也其源名分也其流之別爲  
爲志爲年表爲世家爲列傳爲行狀爲譜牒爲符命其大概  
也則爲敘事爲論贊敘事之流其別爲論爲說爲辨爲記爲述爲  
題辭爲雜志論贊之流其別爲論爲說爲辨爲記爲述爲  
考評而凡屬於詩禮者不與焉易則通天下之志矣其源陰  
陽也其流之別爲兆爲絲爲例爲數爲占爲象爲圖爲原爲  
傳爲言爲註而凡天地鬼神之神之理管是矣昔晉摯虞嘗文  
章流別其亡已久故子苑羅散逸以爲此編統諸六藝竊比

於我董

生云

四庫全書提要。是書大旨。以六藝之源。皆出於經。因採摭漢魏以下詩文。悉以六經統之。凡詩之流。五其別。二十有一。其別十有六。樂之流。二其別。十有二。易之流。十二。而無所謂別。分類編敘。去取其要。

祝志云。阮通志。稱此書黃佐。則定黎民表。等所編。茲遵四庫全書提要。題黃佐編。

### 唐音類選二十四卷

明黃佐。則定。潘光統。編。泰泉集。

後序曰。唐詩選之行。世者元。楊伯謙。氏皇明。高廷禮。氏而已。唐音則遺李杜。而略盛唐。鑒別。奈矣。品彙。隨列。名第。稍為。近。似。至。古。律。莫。辨。五。言。繁。偶。不。擇。亦。奚。取。焉。光。統。嘗。學。詩。於。泰。泉。先生。問。命。廣。搜。遠。逸。輯。以。二。家。以。為。是。編。逾。時。遂。可。藉。寫。因。以。唐。樂。寬。裳。諸。蕭。冠。於。篇。端。論。敘。其。政。治。之。得。失。謠。俗。之。美。惡。於。大。宗。之。詒。謀。三。致。意。焉。辨。其。體。而。繫。之。世。蓋。寓。述。之意。也。或。曰。詩。貴。品。格。尙。聲。助。緣。綺。靡。而。飾。觀。聽。斯。已。矣。子。是。之。言。毋。乃。翦。翦。拘。拘。非。談。藝。之。本。旨。與。憶。言。秋。而。不。及。化。言。聲。而。不。及。雅。昔。人。憂。之。溯。唐。之。始。風。也。相。問。綺。統。蓋。齊。梁。之。餘。習。耳。迨。其。變。也。風。沙。征。伐。遷。謫。行。旅。怨。怒。哀。思。其。亡。國。之。音。乎。昔。李。浩。非。太。宗。論。樂。之。言。宋。沈。述。元。宗。新。聲。之。亂。唐。祚。不。鏡。職。此。之。由。自。非。李。杜。復。之。於。古。韓。柳。矯。之。以。正。吾。懼。其。靡。靡。而。莫。之。止。也。先。生。嘗。慨。樂。書。之。缺。著。為。典。傳。謂。唐。人。以。五。七。言。絕。句。為。樂。音。如。水。調。六。么。陽。關。三。疊。無。不。可。破。之。

管弦者是知音生於心發於聲律徵於人事其感召之速如此作者其可自比於漫以廢其坊與嗟乎流別漸遠古風日也雅聲利而趨便易詩安得而不亡乎歲其變而反之正非大雅君子其孰能之昔趙孟觀七子賦詩知其存亡季札應聘列國預觀興廢亦惟聲音之道莫能逃爾先生是編因往昭來本隱之顯而有唐一代治亂興衰之迹燦然可觀豈惟藝學之軌則哉審其正變治其性情無邪爾思授之以政而達矣毋曰詩藝而可以易評也此則先生綴輯之意固非耳學所能疵議也嘉靖甲子仲冬望日門人潘光統謹序

### 明音類選十二卷

明黃佐刪定黎民表編

同上

黃佐序云黎子惟敬從余講學竊不自揆以詩為教每世先進之詩黎子編為明音類選余遂刪削成編今潘子少承刻之以傳世者是也

類選唐音類選羅浮山志則門人編次而刪定者今因庫全書於六藝流別既題為黃佐撰故仿其例於唐音明音一羅浮山志亦題黃佐撰故仿其例於唐音明音一條著

### 論原十卷

### 論式三卷

明黃佐撰 明史志

四六新鈔五卷

明何藻編

景志

楚辭觀瀾

國朝鄧允恭撰

祝志

古文五選

國朝黃紹統編

同上

嶺南風雅三集每集三卷

祝志云五選者史記文為首選西漢文為二選東漢文為三選列朝文為四選明代文為五選

國朝陳蘭芝編

阮通志

自序畧云廣東詩選詩粹舊板俱已朽蝕不揣固陋特為校羅閱八寒暑首百家而纂輯之亦聊就鄙見所及是編於山人墨客僧侶間壺竝擇其有闕倫常崇德義弔往古繫土風者錄焉將以待輶軒之采云爾

香草集

國朝黃沃楮編

祝志

祝志云此集專選粵中先輩七律一體如孫西巷朝雲集古梁陳懷古諸篇黎美周黃壯丹鄭湛若赤鷄鵠以至王蒲衣無題百首張河圖十二樓等作名之曰香草者取離騷美人香草別號寄託之意也

蕭烈女祠題壁詩鈔

國朝蕭英撰蕭至中同輯英

同上

三唐詩選三卷

歷朝賦選四卷

列朝古文雜選四卷

國朝黃紹統撰 採訪冊

古文選四卷

國朝黃大幹撰

感舊集選四卷

廣三百首詩選

國朝黃培芳撰

何氏詩徵九卷

國朝何天衢編

堅橙錄一卷

國朝邑人烏貞女黃氏編 事見烈女傳

右總集類

才調百首一卷

唐賢三昧集評鈔三卷

國朝黃培芳撰

香石詩話四卷

國朝黃培芳撰

自序畧曰魯論記夫子論詩最詳此吾黨學詩之本即古人詩話之祖也詩話之作固以論詩兼以誌美備信明楓落江冷單詞達足千古其在多乎蓋有選家存歷代之詩復有詩話盡詩人之緒詩學可以不墜而藝林之善亦可不沒矣余間搜拾所聞成此一編本無足述門人輩愛而校錄之愛諸數語於首嘉慶己巳秋香山居士題 龐茂榮跋畧曰香石夫子所撰香石詩話四卷持論之正闢發之精多前人所未發深有功於初學海內多以詩話行世惟吾粵尚少見夫

香山錄

卷二十一 藝文

集部

香

此書獨能博採見聞行以議論吾粵詩話之始匪  
徒提倡足繼泰泉先生以詩鳴於嶺南已也

草堂詩話二卷

國朝黃培芳撰

此書序畧曰吾粵之有詩話自吾師香石詩話始其書持  
論甚正既深為翁覃谿先生所許先生近復撰粵嶺草堂詩  
話多所表彰更宜精蘊此雖先生之餘事  
亦足為 熙朝鼓吹藝林揚扝之一端也

國風詩法隅舉一卷

七古評鈔四卷

七律評鈔四卷

秋興詩評一卷

國朝黃培芳撰

退菴詩話十六卷

國朝何日愈撰

俱同上

右詩文評類